



五子

卷第十

元和郡縣志卷第十

河南道七

曹州


濮州

登州

曹州  
濟陰

開元戶七萬三千二百六十一

鄉一箇



曹州在濮

曹州

曹州

曹州

曹州在濮

禹貢豫州之域於周又為曹國之地後屬於莊左傳哀八年宋景公滅曹按曹國之地從北三十七里濟陰縣界故定陶城是也七國時屬齊宋為楚魏所滅三分其地齊得其濟陰東平漢為濟陰郡之地在濟水之南故以為名景帝中六年別為濟陰國宣帝甘露二年更名定陶哀帝更

為濟陰郡屬兗州後魏於定陶城置西兗州周武帝改西兗州為曹州取曹國為名也大業三年改為濟陰郡隋亂隋賦武德四年平孟海公復為曹州

州境東西二百五十九里  
南北二百五十九里  
西至上都一千五百二十五里  
西至東都六百六十五里  
西南至汴州二百四十五里  
東至兗州三百七十里  
東北至鄆州三百三十里  
東南至宋州一百五十里  
西北至滑州一百里

貢賦 綿絹 大蛇

管縣六 濟陰 寬句 乘氏 成武 南華 考成

濟陰縣蒙下 本漢定陶縣之地屬濟陰郡開皇六年於此置濟陰縣屬曹皇朝因之

曹南山在縣東二十里詩所謂奮分蔚分南山朝濟是也  
汜水在縣南昔漢高祖既定天下即位于汜水之隣張晏曰汜水在濟陰界取其汎受弘大而潤下按今汜水縣東亦有高祖即位壇據并孫通傳云高祖為皇帝通於定陶就其儀在濟陰是也

荷澤音在縣東北九十里故定陶城東北高貢曰導荷澤被孟渚

州理中城蓋古之陶丘也一名左城帝王世紀舜陶于河

濟即禹貢之陶丘今濟陰西有陶丘是也爾雅曰再城為陶丘陶丘成猶重也定陶故城堯所居也

古曹國在縣東北四十七里堯先居唐後居陶故曰陶唐氏史記曰曹叔振鐸者周武王弟封於曹哀八年宋滅曹乾曹伯湯自曹叔至伯陽北十八里又范蠡相越平吳後笑姓名為朱公居於陶號朱公亦此地也

草仲故城在縣南三十里蓋古之草國也伊尹耕于草野湯聞賢聘以為相即此地

三駸亭古國也在縣東北四十九里湯伐桀遂伐三駸俘厥寶玉注曰三駸國名今定陶是也

盧句縣縣東至州四十七里本漢舊縣也漢初屬梁國景帝時屬濟陰郡開皇三年罷郡以縣屬曹州

者本故城在縣西北四十里漢高祖噲攻煮枣屠之是也濟陽故城在縣西南五十里漢濟陽縣也光武以建平元年生於濟陽縣明照一室是歲有嘉禾生一莖九穗大子凡木因名秀光武皇考為濟陽令

素本初故城在縣北七十里素本所築

乘氏縣縣南至州五十四里本漢舊縣也屬濟陰郡開皇三年罷郡

以縣屬曹州大業末年廢武德四年重置

孟海公南北二城在縣東西十五里隋末賊帥孟海公所



蔡

成武縣蔡西至州一百里本漢舊縣也屬山陽郡後漢改屬濟陰郡隋於此置戴州成武縣屬焉大業二年省戴州縣移理州城中復屬曹州武德五年於金鄉縣重置戴州縣又屬馬貞觀十七年廢戴州縣又屬曹州

故魏城在縣西北二十九里昭帝封金日磾為秭侯

南華縣東至州一百二十里本漢離狐縣也屬東郡舊傳初置縣

在濮水南常為神狐所穿穴遂移城濮水北故曰離狐後

漢屬濟陰郡魏志李興從太祖遷離狐太守然則魏時離

狐郡也晉屬濟陰郡開皇三年罷郡縣屬曹州天寶元

年改曰南華英公李勣左僕射彭城郡公劉晏皆此縣人  
濮水在縣南五里昔殷紂使師延作靡靡之樂武王伐紂  
師延至投濮水而死謂此水也

考城縣蔡西南至州九十五里古戴國也春秋隱十年宋人蔡人衛

人伐戴後屬宋楚滅宋改名曰穀漢以為菑縣國都城記

曰縣西南有戴水今名戴陵周迴可百餘里蓋本戴國取

此戴水為名也漢之興也其邑多菑年數不登故邑曰菑

考章柴于依宗通菑縣詔御史曰陳留菑縣其稱不令故

高祖鄙柏人之名武帝休聞喜而顯獲嘉祥其改菑縣為

考城縣至晉屬濟陰郡高齊天保七年省考城縣仍移成

安縣理此開皇十六年改名考城縣屬宋州武德五年改屬曹州

葵丘在縣東南一百五十步左傳齊桓公會諸侯于葵丘是也

大劑陂則戴陂也在縣西南四十五里周迴八十七里與

宋州襄邑縣中分為界

濮州濮陽開元戶四萬六千九百二十一鄉九百十三

禹貢兗州之域春秋時為衛國地左傳會桓公會諸侯于

鄆注曰鄆衛地今東郡鄆城縣也戰國時屬齊在濮為濟

陰郡之鄆城也後漢獻帝於此城置兗州晉置濮陽郡後

改濮陽國封王子充為王後為郡開皇十六年於此置濮州大業三年廢濮州大東平郡隋末陷于寇賊武德四年

討平王充於此重置濮州

州境東西二百三十五里南北一百三十五里

八列西南至上都一千六百五十五里西南至東都七百九十五里西北至曹州二百一十里東北至鄆州二百一十里

南至黃河二百里

西至滑州二百里

貢賦開元貢絹二十疋賦綿絹

管縣五 鄆城 雷澤 臨濮 濮陽 范縣

鄆城縣郭下

本漢舊縣屬濟陰郡開皇十六年於此置濮州郵城縣屬  
馬大業三年廢濮州縣屬東平郡武德四年重置濮州

黃河北去縣二十一里

州理城在故郵城中魏文帝以臨淄侯植為郵城侯

雷澤縣上西北至州九十里本漢郵陽縣古邨伯國周武王封弟季

載於邨漢以為縣屬濟陰郡開皇六年於此置雷澤縣因

縣北雷夏澤為名也屬濮州

歷山在縣西北十六里史記曰舜耕歷山耕者讓畔

難沮二源俱出縣西北平地去縣十四里

雷夏澤在縣北邨外難沮二水會同此澤

姚墟在縣東十三里舜生於姚墟

走母廟在縣西南四里

走陵在縣西三里自堯即位至永嘉三年二千七百三十

一年記于碑貞觀十一年有詔禁人芻牧春秋奠時

臨濮縣上北至州六十里本漢郵陽縣地屬山陽郡開皇十六年

分郵城南界雷澤西界置臨濮縣屬濮州南臨濮水故以

為名大業二年廢武德四年重置

清丘在縣西三十五里

濮陽縣上東至州八十里本漢舊縣也古昆吾國即帝丘顓頊之

墟也昆吾即夏諸侯為五伯之首左傳曰狄滅衛遷于帝

丘衛侯自楚丘徙濮陽縣秦置東郡理此漢仍為東郡及濮陽縣也開皇十六年改屬濮州

黃河北去縣十五里

瓠子河上承黃河漢書武帝時河決瓠子東南注鉅野通於淮泗上使汲黯鄭當時與人徒塞之堤復壞是時武安侯田蚡奉邑食鄒在河北河決而南則鄒無水災乃言江西之決乃天事也非易以人力塞之乃不復塞後二十餘歲：比不登梁楚尤甚上使發人鄒昌率卒數萬人塞瓠子決河沈白馬王驥自將軍以下皆負薪下淇園之竹以為健上悼功之不成乃作歌於是卒塞瓠子築宮于其上

名曰宣房其後王尊為東郡太守河水盛溢泛浸瓠子金堤亭躬率徒與沈白馬勅水神親執玉璧請神尊立不動而水漸退

西去宣州六十里

本漢舊縣屬東郡春秋時晉大夫士會之邑也高齊廢開皇六年又置范縣屬濟州十六年改屬濮州

故頽城在縣東二十八里夏之頽國也詩曰韋頽既伐昆吾夏桀注曰三國黨于桀皆為湯所誅

密州 高密

禹貢青州之域魚得徐之地今州界于春秋之時為莒魯



之地戰國時屬齊秦并天下屬琅琊郡漢高帝十六年分  
齊立膠西國都高密宣帝更名高密國後魏永安二年分  
青州立膠州取膠水為名也開皇五年改膠州為密州取  
境之密水為名也隋亂陷賊武德五年山東底定改置密

州

州境東三百一十六里

八到西至上都二千七百四十五里

南至海州三百八十四里

西南至沂州三百七十里

西北至青州三百三十五里

東至大海一百六十里

貢賦周元貢  
細布 干黃 海蛤

管縣四 諸城 高密 輔唐 莒縣

諸城縣報上

本漢東武縣也屬琅琊郡樂府章所謂東武吟者也後漢  
屬琅琊國晉屬東莞郡後魏屬高密郡隋開皇十八年改  
東武為諸城縣取縣西三十里漢故諸縣城為名

琅邪山在縣東南百四十里史記曰始皇二十六年滅齊  
遂登琅邪作魯臺於山上謂之琅邪臺週迴二十里秦王  
樂之因留三月洗黔首二萬戶于山下後十二年刊石立  
碑紀秦功德海在縣東百五十里

之地戰國時屬齊秦并天下屬琅琊郡漢高帝十六年分  
齊立膠西國都高密宣帝更名高密國後魏永安二年分  
青州立膠州取膠水為名也開皇五年改膠州為密州取  
境之密水為名也隋亂陷賊武德五年山東底定改置密

州

州境東三百一十六里  
南三百九十里

西至上都二千七百四十五里  
西至宋都一千八百八十五里

南至海州三百八十四里  
西南至沂州三百七十里

西北至青州三百三十五里  
東北至萊州三百四十五里

東至大海一百六十里

貢賦開元貢  
絁布 千黃 海蛤  
絁布 千黃 海蛤

管縣四 諸城 高密 輔唐 莒縣

諸城縣郭上  
諸城縣郭下

本漢東武縣也屬琅琊郡樂府章所謂東武吟者也後漢

屬琅琊國晉屬東莞郡後魏屬高密郡隋開皇十八年改

東武為諸城縣取縣西三十里漢故諸縣城為名

琅邪山在縣東南百四十里史記曰始皇二十六年滅齊

遂登琅邪作層臺於山上謂之琅邪臺週迴二十里秦王

築之因留三月徙黔首二萬戶于山下後十二年刊石立

碑紀秦功德海在縣東十百五十里

盧水出縣東南盧山側有勝火木野火燒死其炭不灰故  
東方朔有謂不灰之木者也

縣理東南百三十里濱海有鹵澤九所煮鹽今古多收其  
利

濰州故城在縣東北四十六里蓄以為塘方二十餘里溉  
水田萬頃

高密縣 上西向至州本漢舊縣也文帝十六年分齊立膠

西國封齊悼惠王子卬為膠西王都高密世祖封鄧禹為

高密侯高齊文宣帝省高密縣開皇中復置屬密州

海在縣東南六十里

淮水在縣西南自諸城縣界流入去縣四十里昔韓信與

其將龍且夾淮水而陣信為萬餘囊盛沙過水引軍擊

之信飽且沼比信決水且軍半不得渡遂斬龍且

膠水在縣東三十里

夷安澤在縣北二十里周迴四十里多麋鹿蒲葦

龍且城在縣西南五十五里楚將龍且所築也

鄭玄墓在縣西七十里

輔唐縣 上東向至州本漢安丘縣也屬北海郡後漢屬北

海郡有渠丘亭故莒渠丘公所居也高齊文帝天寶七年

省隋分昌安縣置牟山縣大業二年改牟山縣為安丘縣

取漢書舊名也屬密州乾元二年改為輔唐縣

牟山在縣西南十三里牟山縣取名于此

洛水堰三齊記曰昔者堰洛水南入荆水灌田數萬頃今尚有餘堰而稻田畦畛存焉

莒縣

上東北至州一百九十里

故莒子國也漢為莒縣文帝二年封朱虛侯章為城陽王都莒後魏亦以莒縣屬東莞郡開皇三年廢郡莒縣屬莒州大業三年罷莒州以莒縣屬琅邪郡武德五年重置莒州縣屬焉貞觀八年廢莒州以縣屬密州濰山在縣東北八十三里濰水所出也

縣理在莒國故城中城三里竝皆崇峻唯南開一門  
二城方十二里郭周迴四十里

故曹公城在縣南七十二里昔魏太祖征陶謙拔五城略地東海於此築城周迴四里

漢海曲縣在縣東一百六十里屬琅邪郡有鹽官地有東呂鄉東呂里太公望所出也王莽末海曲縣有呂母者其子為縣令枉殺乃散財以招少年少年感母恩問母所欲具言之乃共起兵殺縣令其後亡結至數萬赤眉之興由此始也今東海縣有呂母國即舊集之所也

海州

上

東海 開元戶二萬三千七百二十八 鄉四十



禹貢徐州之域春秋時魯國之東鄒七國時屬楚秦置三十六郡以魯為薛郡後分薛郡為郯郡漢改郯為東海郡領三十七縣理在郯縣屬徐州後漢以為東海國封皇子彊為王晉惠帝封高密王子越為東海王梁武帝末長江乙北悉附後魏武定七年改青冀二州為海州高齊文宣帝移海州理琅瑯郡改琅邪郡為朐山郡隋末喪亂滅君柏竊據之武德四年君相以郡歸順改為海州

州境東西一百九十八里

八到南北西至上郯取沂沭路二千五百五里

東南至莒州四百一十里  
南至揚州七百里  
東南至泗州連水縣取官河水路三百四十里陸路二百五十里

西北至沂州二百三十里  
西至徐州取下邳路五百六十里  
北至密州三百八十四里  
東至海二十里  
貢賦開元貢賦 絹 綿

管縣四 朐山 東海 沐陽 懷仁

朐山縣上郡下本漢朐山縣也屬東海郡後周武帝建德六年改朐山縣為朐山郡取界內朐山為名也開皇三年廢郡縣屬海州

羽山在縣西北一百里書曰殛鯀于羽山即此也

碩獲湖在縣南一百四十二里

龍且故城在縣南六十里

鍾離昧故城在縣南百里項羽將鍾離昧所築昧即此縣人

東海縣上西至州水路九十里本漢贛榆縣地俗謂之鬱州亦謂之田橫島宋明帝失淮北地乃於鬱州上僑立青州地後入魏改青州為海州又於此置臨海鎮高齊廢臨海鎮周武帝復置東海縣後遂因之

小高山在縣北六十里田橫弟暨吳所居之山也其山三面絕壁皆百餘仞唯東面一道劣容行人

大海在縣東二十八里  
贛榆故城在縣北四十九里隋末土人滅君相築

田橫國在縣北五十七里齊王田廣既死田橫乃代立為王與灌嬰戰于灑下橫敗走與其屬五百人入居海島即此也

沐陽縣中東北平川本漢厚江縣地文帝元嘉四年於此置縣屬南彭城郡至太清二年地入魏孝帝改為沐陽郡在沐水之陽故以為名仍於郡東置懷文縣周武帝改懷文縣為沐陽縣

沐水西自下邳縣界流入經縣南十步

碩蕩湖在縣東八十里與朐山連水三分湖為界

懷仁縣中東南至本漢贛榆縣地梁于此置北海郡後魏

鍾離昧故城在縣南百里項羽將鍾離昧所築昧即此縣人

東海縣上西至州水本漢贛榆縣地俗謂之鬱州亦謂

之曰橫島宋明帝失淮北地乃於鬱州上橋立青州地後

入此改青州為海州又於此置臨海鎮高齊廢臨海鎮

因武帝復置東海縣後遂因之

小島山在縣北六十里田橫弟辟吳所居之山也其山三

面絕壁皆百餘仞唯東面一道劣容行人

大海在縣東二十八里

贛榆故城在縣北四十九里隋末土人臧君相築

田橫國在縣北五十七里齊王田廣既死田橫乃代立為

王與灌嬰戰于甌下橫敗走與其屬五百人入居海島即

此也

沫陽縣中東北至州本漢厚丘縣地文帝元嘉四年於此

置縣屬南彭城郡至太清二年地入魏孝帝改為沫陽郡

在沫水之陽故以為名仍於郡東置懷文縣周武帝改懷

文縣為沫陽縣

沫水西自下邳縣界流入經縣南十步

碩蕩湖在縣東八十里與胸山連水三分湖為界

懷仁縣中東南至本漢贛榆縣地梁于此置北海郡後魏

改置義唐郡開皇初廢郡移懷仁縣理於此改屬海州  
贛郡故城一名監倉城在縣東北三十里漢縣也屬琅邪

郡

沂州琅邪 開元少二萬七千四百 鄉五十五

禹貢徐州之域春秋時為齊地秦并天下置琅邪郡因琅  
邪山以為名也漢因之高后立營陵侯劉濞為琅邪王文  
帝元年徙濞為燕王以琅邪為郡晉武帝咸寧二年改封  
東海王濞為王即帝位於江東是為東晉元帝元年於  
郡城置錢干戍以南軍鎮之自永嘉之後琅邪陷於胡寇  
成帝於丹陽江乘縣界別立南琅邪郡至宋武得河南尋

又設於後魏莊帝置北徐州琅邪郡屬焉周武帝改北徐  
州置沂州以州城東臨沂水因以名之大業十三年亂離  
郡為徐國朝所破武德四年討平國朝復置沂州

州境東西三百二十一里

南四百二十九里

西至上都一千一百七十五里

東至東都一千四百一十五里

西至兗州三百八十里

東至青州四百七十里

北至徐州四百五十里

西至密州三百七十里

西北至淄州五百三十里

貢賦 開元貢 紫石英 黃銀



管縣五 臨沂 沂水 費縣 承縣 新泰

臨沂縣上 本漢舊縣也屬東海郡東臨沂水故名之後

漢改屬琅邪國晉屬琅邪郡高齊省開皇末復置屬沂

州

沂水東去縣一里

王僧辯城在縣東北五十里梁將王僧辯屯兵于此

王導故宅在縣東北三十八里

沂水縣上 向至州 本漢東莞縣即春秋莒魯所爭之鄆邑

也城陽姑幕縣南有負得即鄆也俗變其字耳後魏孝文

帝于此置新泰縣開皇四年改為東安縣十六年又于古

蓋城別置東安縣而此改名沂水縣

沂山在縣北一百二十四里周禮青州其鎮沂山

穆陵山在縣北一百九十里管仲曰賜我先君履南至于

穆陵是也

大岷山在縣北九十里宋高祖北伐慕容超大將公孫五

樓說超曰吳兵輕銳雖與爭鋒宜斷大岷使不得入上策

也超曰引使過岷我以鐵騎蹙之此成擒耳不從宋高祖

兵遂得入初是役也或曰若嚴守大岷軍無所資何能自

退高祖曰鮮平性貪且愛其穀必將引我兵一入大岷我

何患焉及師過大岷高祖喜曰天贊我也遂大破之五緝

從征記曰大峴去半城八十里直度山二十五里崖坂峭曲石徑幽危四岳三塗不是道也

靈山在縣西北二十八里出紫石英好者表裏映徹形若靈狀故名靈山今猶入貢

成平公宮在縣北百五十六里司武帝拔鄆城齊王高緯先送其外妻于青州是日緯率千騎走青州周遣大將軍

成平公討暹勒率二千騎召之擒緯於青州南之雙溝周因授之以青州總管立碑紀功

費縣上東南至州九十里古費國也漢元年傳曰費伯帥師城即後為魯季氏之邑至漢為費縣屬東海郡自宋至隋皆屬

琅瑯郡大業末為賊潘當所破武德四年重置屬沂州

崇山在縣西北八十里楚老萊子所耕之處

東崇山在縣西北七十五里論語曰今夫穎史昔者先王以為東蒙主

南城縣城在縣南九十里史記齊威王使檀子守南城則楚人不敢為寇是也

承縣上東北至州一百八十五里本漢之承縣春秋時鄆國也屬東海郡開皇三年罷郡承縣屬徐州大業十三年縣為山賊左

君衡所破武德四年又于此置鄆州又改蘭陵縣為承縣貞觀八年廢鄆州縣屬沂州縣西北有承水因以名焉

抱犢山在縣北六十里壁立下僅頂寬而有水此山去海三百餘里天氣澄明宛然在目昔有遁隱者抱一犢於其上墜種故以為名山高九里周迴四十五里

蘭陵縣城在縣東六十里史記曰荀卿以儒者適楚：春申君以為蘭陵令因家焉

縣界有波十三所竝貞觀元年以牙修立以溉田焉

新泰縣上 東南至州二百六十三里

春秋時魯平陽邑也宣八年城平陽晉武帝太始中鎮南將軍羊祜此縣人也表改為新泰縣屬泰山郡隋開皇四年屬莒州大業二年廢莒州以縣屬沂州

蒙山在縣東南八十八里書曰蒙羽其藝

障山在縣東八十里出銷石：煙炬火等石居人常採為貨

萊州 開之戶二萬三千一百五 鄉四十三

禹貢青州之域即古萊子國也齊滅之遷萊子於郟在齊國之東故曰東萊漢高帝四年韓信虜齊王廣分齊郡置東萊郡領縣十七理掖縣屬青州後魏獻文帝分青州置光州取界內光水為名開皇二年改光州為萊州隋末隋賊武德四年討平暴順復為萊州

州境 東西四百二十八里 南北二百四十一里

八列 西南至上都二千七百六十里

西南至東都一千九百里

東北至登州二百四十里

正南微山至萊州三百四十五里

北至大海五十里

西南至青州三百四十五里

貢賦 關元 賦 黃銀 文蛤 牛黃 滑石 黑

管縣四 掖縣 即墨 昌陽 膠水

掖縣 郡下 本漢博縣也屬東萊郡按掖水出縣南三十里

寒同山故縣取為名開皇三年罷郡屬萊州

萬里沙在縣東北三十里郊祀志武帝元封元年大旱禱

萬里沙

浮游島在縣西北四十里遠望島在海中若浮游然故名

海水在縣北五十二里

膠水西去縣七十五里

海神祠在縣西北十七里

即墨縣 中西北至州二 本漢博縣屬膠東國城臨墨水故

曰即墨高齊文宣帝併入膠水縣開皇末又于此置即墨

縣屬萊州

大勞山小勞山在縣東南三十八里晏謨齊記曰太白自

言高不如東海勞者鄭康成領徒於此

壯武故城在縣西六十里晉封張華為壯武侯

海在縣東四十三里又在縣南百里



昌陽縣 上西北至州二百九十九里 本漢舊縣也屬東萊郡置在昌水

之陽故名曰陽有鹽官開皇三年罷郡昌陽縣屬萊州

黃銀坑在縣東百四十里開皇十八年年州刺史齊公義

於此北治鑄得黃銀獻之大業末貞觀初更沙汰得之

突養在縣西北四十里龍方氏幽州其澤數曰突養

膠水縣 中北至州一百里 本漢膠東國之地後漢省膠東國為膠

東縣屬北海國後魏屬北海郡開皇三年罷郡屬萊州仁

壽元年改為膠水縣

即墨故城在縣東南六十里古東齊之地史記蘇秦曰齊

東有琅邪即墨之饒以其處也齊湣王時燕將樂毅伐齊

下七十餘城唯莒即墨不下田單設奇策破燕軍迎襄王

於莒盡復齊地封單為安平君漢書曰漢元年項羽徙齊

王田市于即墨為膠東王田榮怒殺田市即墨自立為王

遂并三齊之地漢膠東郡領八縣理即墨即故城也

平度故城在縣西北六十七里城西北有土山古今煮鹽

處

淄州 淄州 開元戶三萬七十四 百四 鄉七十一

禹貢青州之域周之九州為幽州之境職方氏幽州其浸

淄潯州蓋取淄水為名也春秋及戰國時屬齊秦為齊郡

之地在漢為濟南郡之般陽縣也開皇十六年於今理改

置淄州隋亂陷賊武德元年重置淄州

州城東一百一十五里

八到西南至上都二百九十五里

西至東都一百四十五里

東至青州一百二十里

西北至兗州三百七十里

北渡河至梓州一百一十里

東至沂州五里

淄川縣屬淄州

淄川縣上本漢般陽縣也屬濟南在般水之陽故名後

漢屬齊國晉省宋於此置貝丘縣開皇十八年改貝丘為

淄川縣屬淄州

淄水出縣理東南原山去縣六十里俗傳禹理水功畢土

石墨數里之中流流若漆故謂之淄水

長山縣東至州本漢於陵縣地也宋武帝于此立武

強緣開皇十八年改武強為長山縣取長白山為名屬淄

州武德元年置鄒州縣又屬焉八年廢鄒州依舊淄州

長白山在縣西南四十里

濟水西北去縣三十五里

鄒平縣上東南至州本漢舊縣也屬濟南郡開皇三年自

梁鄒城移平原縣入鄒平城屬齊州今理是也十六年改

黃河西北去縣八十里

濟水南去縣三十五里

濟陽縣上東南至州九十四里本漢梁鄒縣也屬濟南郡隋又于後

漢梁鄒城地置濟南縣大業二年省景龍元年於漢梁鄒

城置濟陽縣屬淄州

八公津在縣南一里相傳水陸所湊其路有八故名

濟水在縣南又東北入高苑縣界

高苑縣上南至州一百一十里本漢舊縣也屬千乘國後漢屬樂安

國宋于此置長樂縣屬渤海郡十八年改為會城縣大業

三年改為高苑縣取縣東南高苑故城為名隋末隋賊武

德元年重置高苑縣屬鄒州八年廢鄒州縣屬淄川

濟水北去縣七十步

千乘故城在縣北二十五里漢千乘國也

登州東牟中府開元戶一萬八千五百三十三 鄉三十六

禹貢青州之域古萊子之國春秋齊侯滅萊至漢為東萊

郡之地後魏孝靜帝分東萊於黃縣東一百步中即故城

置東牟郡高齊廢開皇三年改置牟州大業三年廢武德

初人置因文登縣人不從賊党遂于縣理置登州

州境東西五百六十里南北一百六十五里

八列西南至上都三千八里西南至東都二千一百四十里

北至海三里  
西至海四里當中國往新羅渤海過大路  
正北微東至大海北岸都里鎮五百二十里  
東至文登縣界大海四百九十里  
東南至大海四百六十里  
南至萊州昌陽縣二百里  
南至大海六十里

貢賦 胡三貢 牛黃 水登席  
賦 麻布

管轄四 蓬萊 牟平 文登 黃縣

蓬萊縣 中 郭下本漢黃縣之地屬東萊郡昔漢武帝于此望  
蓬萊山因築城以蓬萊為名在黃縣東北五十里貞觀八  
年于此置蓬萊鎮神龍三年析黃縣置蓬萊縣在鎮南  
一里即今登州所理是也

牟平縣 中西至州 本漢縣也屬東萊郡有鐵官鹽官在牟  
山之陽其地夷坦故曰牟平漢書齊悼惠王子將闔為牟

平侯後屬萊州武德四年於中即城置牟州牟平縣屬焉  
貞觀元年牟州及縣俱廢麟德二年析文登縣于此重置

牟平縣屬登州

文登縣 上西北至州三 本漢牟平縣也屬東萊郡高齊後

帝分牟平置文登縣屬長廣郡取縣界文登山為名開皇

三年廢長廣郡文登縣屬萊州武德元年改屬登州

之果山在縣西北一百九十里史記曰秦始皇二十九年

登之果刊石紀功封禪書曰齊有八祠之果為陽主



成山在縣東北百八十里史記曰始皇二十九年又東遊  
登成山升之梁勒石紀功郊祀志曰齊有八祠成山為日  
主封禪書曰七日主祠成山

文登山在縣西北九十里

海在縣南六十里縣東一百八十里三面俱至于海縣東  
北海中有秦始皇石橋今海中特有整石似柱之狀

東牟故城在縣西北百十里漢高后二年封齊悼惠王子  
興居為侯

不夜故城在縣東北八十五里屬東萊郡春秋時萊子所  
置初築此城有日夜出故名之

黃縣 中東北至州 九十里 木漢舊縣屬東萊郡開皇三年罷郡屬

萊州武德四年屬牟州神龍三年置登州黃縣割屬焉漢  
書曰秦欲攻匈奴運糧使天下飛芻輓粟起于黃腫琅邪

及海之郡轉輸北河率三十鍾而致一石 黃即今黃縣 睡

即今文登縣屬  
東萊郡睡主瑞及北河對方九十九六針四斗曰  
睡計道路所費凡百九十二針乃致粟一石

萊山在縣東南二十里封禪書曰齊之八祠六日月主祠  
之萊山

故黃坂在縣東南二十五里古萊子之國春秋傳曰齊侯  
滅萊杜注曰今萊黃縣是也

大人故城在縣北二十里司馬宣王代遼東造此城運糧

船從此入今新羅百濟往還常由于此  
滎萊鎮在縣東北五十里  
海瀆祠在縣北二十四里大人城上

元和郡縣志卷第十一

元和郡縣志卷第十二

河東道

河中府 河東郡 開元戶七萬二千七百  
元和戶一萬九千六百

今為河中節度使理所

鄉六十五

管縣五 河中府 絳州 晉州 慈州 隰州

管縣三十七 都管戶四萬一千三百六十五

禹貢冀州之域按今州本帝舜所都蒲坂也春秋時為魏  
耿楊芮之地左傳曰晉欽公滅魏以賜畢萬服虔注曰魏  
在晉之蒲坂畢萬之後十代至文公列為諸侯至惠王借  
弭稱王至王假為秦所滅今州即秦河東郡地也漢元年

項羽封魏豹為西魏王河隴都平陽二年豹降從漢王  
在滎陽請歸侍親疾至則絕河津反為楚盡有太原上黨  
地九月韓信虜豹定魏地置河東上黨太原郡文帝時季  
布為河東守文帝謂曰河東吾股肱郡故特召君耳後魏  
太武帝於今州理置雍州延和元年改雍州為秦州周明  
帝改秦州為蒲州因蒲坂以為名大業三年罷州又置河  
東郡隋將屈突通守河東高祖師次桑泉縣通出守潼關  
乃令鷹揚郎將屯君素王行本留鎮郡城遂於今桑泉縣  
置河東郡武德元年罷郡置蒲州其年屯君素為城人薛  
宋李楚客所殺王行本仍堅守不宿二年置蒲州總管三

年行本歸化自秦泉移蒲州於今理九年廢總管置都督  
府復為州開元元年五月改為河中府仍置中都麗王殿  
學士韓瑛上疏陳其不可至六月詔停復為州乾元三年  
又改為河中府大曆中元載為相又上建中都議曰自古  
建大功者未嘗不用天因地故高祖保關中光武據河內  
皆深根固本以制天下臣等考天地之心本聖人之意驗  
古往之事切當今之務則莫若建河中為中都隸陝魏晉  
絳汾潞儀石慈隰等十城為藩衛長安去中都三百里順  
流而東是居相望有羊腸底柱之險羊腸在潞州壺關縣東南一百六里濁  
河孟門之限孟門在慈州文城縣西南以鞏棘為襟帶與

閔中為表裏割敬所謂扼天下之亢而撫其背即此之謂  
 推是而言則建中都將欲固長安非欲外之也將欲安成  
 周非欲捨之也將欲制蠻夷非欲惧之也將欲定天下非  
 欲弱之也河中之地左右王都黃河北來太華南倚總水  
 陸之形勝鬱閔河之氣色每歲白露既降涼風已高陛下  
 處金城湯池內嚴華夏登信臣驍將外馭戎狄出於仲秋  
 還於農隙有漕罰之冊之使無登高履險之虞不傷財不  
 害人之得養威而時狩如此則國有保安之所家無係虜之  
 憂矣此奏不省切代宗自幸陝之後每歲八九月間京師  
 恟恟常懼戎或徼至相相之家皆裝諸糧為行李之備載

知人情不安於此路莫司制置竊有兵權議亦宏博盡  
 當時利害然代宗採之載意議故不行或曰建中都江融  
 設險固之首為也融誅後書之不傳不知斯言何自而得

府境 中四二百五里

八 西至平上縣一百二十里 東九至洛州取桐鄉路二百零五里

西至河州六十七里 東南至陝州二百四十五里

東南至魏州一百四十七里 西南至華州一百四十七里

晉賦 制之員 秦趙府 竹扇 秦臣 乾東 鳳栖梨  
 官縣八 河東 河西 臨晉 猗氏 虞鄉 寶鼎

解縣 永樂

河東縣 改志 本莫蒲坂縣地也屬河東郡閔皇三年罷郡



縣仍屬蒲州十六年移蒲坂縣於城東仍於今理別置河  
東縣大業二年省蒲坂縣入河東縣

雷首山一名中條山在縣南十五里

風陵堆山在縣南五十五里與潼關相對

長原一名蒲坂在縣東二里其原出龍骨

河水北自桑泉縣界流入

媯的水原出縣南雷首山尚書曰墜降二女于媯的州城

即蒲坂城也城中有舜廟城外有舜宅及二妃壇

故陶城在縣北四十里尚書大傳曰舜陶于河濱

故堯城在縣南二十八里

蒲坂關一名蒲津關在縣西四里魏志曰太祖西征馬超

韓遂渡蒲津門即謂此也今遺舟為梁其制甚盛每歲

歲時有蒲津一橋脚錢數至二萬亦關河之巨防焉

風陵故關一名風陵津在縣南五十里魏太祖西征韓遂

自蒲關北渡即其處也

舜祠在川理舜城中有祠十一年詔致祭以時洒掃

伯夷臺在縣南三十五里雷首山南貞觀十一年詔致祭

禁樵菑

河西縣新志本朝邑縣東地乾元三年因置河中府割朝

邑縣置

臨晉縣 次畿西南至府七十四里本漢舊縣地也後魏改為北鮮縣  
開皇十六年分猗氏縣於今理置桑泉縣因縣東桑泉故  
城以為名也天寶十二年改為臨晉

河水經縣西四十里

涑水在縣東二十三里

故鮮城本春秋時鮮采城又為漢鮮縣城也在縣東南十  
八里晉惠公許昭秦伯以河外列城五東盡虢略內及鮮  
泉城是也 桑泉故城在縣東十三里左傳曰重耳圍今  
狐入桑泉謂此也

故司空魏國公裴寂墓在縣東北十七里

猗氏縣 次畿西南至府一百一十里本漢舊縣即猗顛之所居也東  
魏恭帝二年改猗氏為桑泉縣周明帝復改桑泉為猗氏  
縣屬汾陰郡開皇三年罷郡屬蒲州

涑水經縣南六里

故郇邑在縣西南四里左傳曰晉侯謀去故絳欲居郇瑕  
氏之地韓獻子曰郇瑕氏土薄水淺不如新田遂遷新田  
即平陽絳邑縣也

虞鄉縣 次畿西至本漢鮮縣地也後魏孝文帝改置南鮮

縣屬河東郡周明帝武成二年廢南鮮縣別置絳化縣武  
帝改絳化為虞鄉

檀道山一名百梯山在縣西南十三里山高萬仞躋攀者百梯方可升降故曰百梯山南有穴莫測淺深每有勅使投金龍於此魚醮焉

王官故城在縣南二里左傳曰秦伯涉河焚舟取王官

五老仙人祠在縣西十七里

寶鼎縣改南至府一百一十里本漢汾陰縣也屬東河郡劉元海

時廢汾陰縣入蒲坂縣後魏孝文帝復置汾陰縣開元十

一年改寶鼎縣

黃河在縣北十一里趙簡子沉佞臣樂激之所也

汾水北去縣二十五里

后王祠在縣西北一十一里

啟湯陵在縣北四十三里

解縣改

東北至府四十三里本漢舊縣也屬河東郡大業二年

省解縣九年自絃化故城移虞鄉縣於廢解縣理即今縣

理是也武德元年改虞鄉縣為解縣屬虞州因漢舊名也

仍於蒲州界別置虞鄉縣貞觀十七年廢虞州解縣屬河

中府

中條山在縣南二十里

鹽池在縣東十里

女鹽池在縣西北三里東西二十三里南北二十里鹽味

小苦不及縣東火池鹽俗言北池亢旱鹽即凝結如蓬雲  
雨鹽則不生今大池與安邑縣池總謂之兩池官置使以  
領之每歲收利納一百六十萬貫

熨斗陂在縣東北二十二里

通路自縣東南踰中條山出白徑起陝州之道也山嶺叅  
天左右壁立間不容軌謂之石門路出其中名之白徑嶺  
焉

永樂縣古冀北至府本漢河北縣地周明帝改河北縣為  
永樂縣武帝省永樂縣以地屬芮城縣武德二年分芮城於  
縣東北二里永固堡重置永樂屬芮州七年移於今理貞

觀八年改屬

中條山在縣北三十里

河水經縣南二里

永樂澗水源出條山經縣東二里入南入河

五老山在縣東北十三里堯葬首山觀河渚有五老人飛

為流星上入昴因號其山為五老山

徐州縣郡

開元戶八萬一千九百八十八  
元和戶一萬一千二百七十一

鄉一百七十六

禹貢冀州之域春秋時屬晉左傳曰晉人謀去故絳故居

邠瑕氏之地韓獻子曰邠瑕氏土薄水淺不如新田遂遷

新田注曰新田今平陽絳邑縣是也三鄉滅晉其地屬魏



戰國時亦為魏地秦為河東郡地今州即漢河東郡之臨汾縣地也魏正始八年分河東汾北置平陽郡又為平陽郡地後魏孝武帝於今理西南二十里正平縣界柏壁置東雍州及正平郡其地屬焉孝文帝廢東雍州東魏靜帝復置周明帝武威二年改東雍州為絳州大業三年廢州為絳郡初義師將西入關大將軍進次古堆去絳郡十餘里通守陳叔達堅守不下高祖命尉人曰明日早下絳城然後食乃引兵攻城自且及辰破之仍置絳郡武德元年罷郡置絳州總管三年復為絳州州境東西三百六十五里南北三百三里

八列 西南至上都五百九十里 東南至東都取恒縣王屋路四百八十里 東北至晉州一百四十里 南至陝州二百里 東至澤州四百四十里 西北至慈州二百里 貢賦 開元貢 梨 蝟 防風 賦 貨 布

管縣九 正平 太平 萬泉 曲沃 翼城 聞喜 絳縣 稷山 龍門

正平縣 舊下 本漢臨汾縣地屬河東郡開皇三年罷郡改屬絳州十八年改臨汾縣為正平縣因正平故郡城為名也

汾水東北自曲沃縣界流入 澮水東自曲沃縣流入

柏壁在縣西南二十里後魏明帝元年於此置柏壁鎮太武帝廢鎮置東雍州及正平郡周武帝於此改置絳州建德六年又自此移絳州於今稷山縣西南二十里正壁按柏壁高二丈五尺周迴八里

晉虎祁宮在縣南六里左傳曰石言於晉魏榆師曠曰石不能言或憑焉抑又聞之作事不時怨譴動於人則有非言之物而言於是晉侯方築虎祁之宮今案宮南有澮水此有汾水俱西流至宮西而合隋末依宮餘趾築堡今名修義堡

晉靈公臺在縣西北三十一里左傳曰晉靈公不君從臺

上彈人觀其避丸即此臺也

武平故閼在縣西三十里高齊時置周平齊廢

晉齊姜墓在縣南九里申生之母也

驪姬墓在縣南八里

太平縣 縣南至州五十里 本漢臨汾縣地屬河東郡後魏大武

於今縣東北二十七里太平故閼城置恭平縣屬平陽郡周改恭平為太平因閼名開皇三年罷郡改屬晉州十年改屬絳州

汾水在縣東二十九里

太平故閼城在縣東北二十七里

白波壘在縣東南十二里後漢末黃巾賊於西河白波谷  
寇太原於此築壘

子奇壘在縣東三十里後秦王姚興遣弟義陽公平字子  
奇與征虜將軍狄伯支等步騎四萬伐魏攻平陽陷之遂  
據柴壁魏軍大至截汾水以守之平大敗將麾下三十騎  
赴汾水而死狄伯支等十將四萬人皆為魏所擒今按此  
壘西臨汾水壘側尚有柴村子奇投汾水即此處也

趙盾祠在縣西南十八里

李牧祠在縣東北十三里

晉公孫杵臼程嬰墓並在縣南二十一里趙盾墓塋中

萬泉縣上

東北至州一百二十里

一本漢汾陰縣地屬河東郡又薛

通城者後魏道武帝天賜元年赫連勃勃僭號夏侵河外

于時有縣人薛通率宗族千餘家西去漢汾陰縣城八十

里築城自因因名之武德三年於薛通故城置萬泉縣屬

秦州縣東谷中有井泉百餘區因名萬泉貞觀十七年廢

秦州屬絳州

由沃縣

西至州五十里本晉舊都絳縣地也漢以為絳縣屬

河東都後漢加邑字屬郡不改晉改屬平陽郡後魏孝文  
帝於今縣東南十里置由沃縣屬正平郡因晉浹曲為名

開皇三年罷正平郡改屬絳州

絳山在縣南十三里出銅錒

汾水西南去縣二十二里

澮水在縣南二里

絳水在縣界南三十里

漢絳縣本春秋晉都新田也在縣南二里周勃為絳侯即

其地也今號絳邑故城

陸庭故城在縣西北二十里左傳曰曲沃武公伐翼次于

陸庭是也

臺駘神祠在縣西南三十六里左傳曰晉侯有疾卜臺駘

為祟問于子產子產曰昔金天氏有裔子曰昧為玄冥師

生允格臺駘能崇其官帝用嘉之封諸汾川今晉主汾而

滅之由是祖之則臺駘汾神也

翼城縣望

西南至州  
百里

本漢絳縣地屬河東郡後魏明帝

置此絳縣開皇末改為翼城縣屬絳州因縣東古翼城為

名也武德元年於此置澮州二年廢澮州縣屬絳州

澮高山在縣東南二十五里澮水出焉其山出鐵隋於此

置平泉治澮水今改名翼水

故翼城在縣東南十五里晉故絳都也

故唐城在縣西二十里堯裔子所封也

聞喜縣望

西南至州  
六十里

本漢左邑縣之相柳也武帝元馬

卷十二

十二

十一



六年將幸緱氏至此開南越破大喜因立開喜縣屬河東  
郡後魏改屬正平郡開皇三年罷郡屬絳州

景山在縣東南十八里

董澤一名董池故在縣東北十四里在傳厨武子曰董澤  
之蒲可勝既乎

桐鄉故城漢開喜縣也在縣西南八里俗以此城為伊尹  
放太甲於桐宮之所孔注尚書曰桐湯葬地也按今地有  
放太甲處在偃師縣界非此也又漢大司農朱邑屬其子  
葬桐鄉者又在今舒州界亦非此也

王官故城今名王城在縣南十五里左傳曰俘我王官

祁奚墓在縣東二十二里今太原祁縣又有祁奚墓未詳

孰是

絳縣上西北至州本漢開喜縣地後魏孝文帝置南絳

縣其地屬焉因縣北絳山為名也屬正平郡恭帝去南字

直為絳縣開皇三年罷郡改屬絳州義寧元年屬翼城郡

武德元年屬澧州改屬絳州

借窮山在縣東北三十五里出鐵錫穴五所

絳水一名沸泉水出絳山東谷懸流奔壑一十許丈西北

注于澧史記稱智伯率韓魏引絳水灌晉陽不沉者三板

智氏曰吾始不知水可以亡人之國今乃知之於是韓魏

之君共熱智伯水在縣北十四里

晉文公墓在縣東二十里左傳曰文公卒將殯于曲沃出

絳桓有觀如牛貞觀十一年詔致祭五十步禁樵蕪

稷山縣東至州四十九里本漢聞喜縣地屬河東郡後魏孝

文帝於今縣東南三十里置高涼縣屬龍門郡開皇三年

罷郡縣屬絳州十八年改為稷山縣因縣南稷山以為名

也

稷山在縣南五十五里左傳曰晉侯理兵於稷以略狄土

即此地也

汾水在縣南五十里

玉壁故城在縣南十二里後魏大統四年東道行臺王思

政表築玉壁城因自鎮之八年高祖寇玉壁思政有修攻

不討周初於此置玉壁總管武帝建德六年廢總管城周

迴八里四面並臨深谷

稷祠在縣南五十里稷山上

義和墓在縣東北十七里

龍門縣東至州一百一十里古耿國殷王祖乙所都晉獻公滅

之以封趙夙秦豈為皮氏縣漢屬河東郡後魏太武帝改

皮氏為龍門縣因龍門山為名屬北鄉開皇三年廢郡以

縣屬絳州十六年割屬蒲州武德三年屬秦州貞觀十七

年廢秦州縣隸絳州

汾水去縣五里漢武帝行幸河東作秋風致詞即此水也

故耿城在縣南十二里古耿國也

伏龍原在縣西南十八里

黃河北去縣二十五里即龍門口也禹貢曰浮于積石至

于龍門注曰龍門山在河東之西界大禹導河積石疏決

龍門即斯處也河口廣八十步巖際鶴迹遺功尚存三秦

記曰河津一名龍門水陸不通魚鱉之屬莫能上江海大

魚集龍門下數千不得上上則為龍故曰曝鯁龍門水經

注曰其魚出鞏縣鞏穴每三月則上渡龍門得則為龍否

則點額而還

蜚魚故城在縣南七里

龍門關在縣西北二十二里

大禹祠在縣西二十五里龍門山上隋末權毀貞觀九年

奉勅更令修理

高祖神堯皇帝廟在禹廟南絕頂之上畫行幸儀衛之像

蓋義亭初義旗至此也

晉州平陽 開元戶六萬八百五十三 鄉一百四十八  
元和戶六千五百六十七 鄉五十九

禹貢冀州之域即堯舜禹所都平陽也春秋時其地屬晉

戰國時屬韓後將馮亭亭以上黨降趙又屬趙在秦為河東





清水今名三交水東自襄陵縣界流入

克廟在縣東八里汾水東

姑射神祠在縣北<sup>十</sup>三里姑射山東武德元年勅置

龍子祠在姑射山東平水之源其地茂林蒼鬱俯枕清流

實晉勝境也

劉和墓在縣南三十三里和元海太子也

劉聰墓在縣西南十一里聰元海第四子也

襄陵縣際西北至州本漢舊縣也屬河東郡高齊省周

平齊自臨汾縣移會昌縣於今理屬晉州大業二年改會

昌為襄陵取舊漢名也縣東南有晉襄公陵因以為名先

是以會昌名者後魏會赫連昌以置縣故也

浮山在縣東南七里

清水在縣北十五里

黑水經縣北二十五里

晉賈克墓在縣西南十里

神山縣中西至州七本漢襄陵縣地也武德二年僕射

裴寂奏分襄陵縣置浮山縣屬晉州因山為名至三年因

羊角山神人見又改為神山焉

黑山今名烏頭山在縣東四十四里黑水出焉

羊角山在縣東南三十一里

老君祠在縣東南二十里武德三年見神於羊角山下語  
曲沃縣人吉善行田報大唐天子得聖理一十年其年初  
遣通事舍人柳憲立祠因改縣為神山

岳陽縣 中 西南至州一 本漢穀遠縣地後魏孝莊帝置  
百五十里

安澤縣屬義寧郡開皇十六年改屬沁州大業二年改為  
岳陽縣因山為名義旗初建屬平陽郡武德元年罷郡改

屬晉州

烏嶺山在縣東三十里

千畝原在縣北九十里周迴四十里

東池堡在縣南三十三里今堡中見貯義倉北面絕崖三

面各二丈五尺周迴二里

洪洞縣 望 西南至州 六十里 本漢楊縣即春秋時楊侯國也晉

滅之以賜大夫羊舌肸漢以縣屬河東郡魏置平陽郡楊

縣屬焉開皇三年罷郡改屬晉州義旗初建改為洪洞縣

因縣北故洪洞鎮為名也

霍山在縣東北三十里事具霍邑縣

汾水自趙城縣東流入

洪洞故城在縣北六里後魏鎮城也姚寃序行記曰周建

德五年從行討齊師次洪洞百雉相臨四周重複控據要

險城主張元靜率其所部肉袒軍門即此也

會昌故縣在縣東南三十四里後魏太武帝會赫連昌置  
因以名焉

師曠祠在縣東南二十五里

霍邑縣上

南至州一百五十里

一本漢隰縣也屬河東郡因彘水為

名即周厲王所奔之邑後漢順帝改為永安縣屬郡不改  
後魏初省及宣武正始二年又置永安縣開皇十八年改  
為霍邑縣屬晉州因霍山為名隋末喪亂武牙郎將宋老  
生屯兵於此義師之至也老生陳兵據險師不得進忽有  
白衣者父詣軍門曰霍山神遣語大唐皇帝若向霍邑當  
東南傍山取路我當助帝破之遣人視之果有微道高祖

災田此神不欺趙襄子豈常負吾耶於是進師去城十餘  
里老生戰敗劉弘基斬之遂平霍邑置霍山郡武德元年  
廢郡復置呂州貞觀十七年廢呂州縣入隰晉州

霍山一名太岳在縣東三十里禹貢曰壺口雷首山于太  
岳鄭玄注曰今河東彘縣霍太山是也

呂坂在縣西南十里有呂鄉晉大夫呂甥之邑也呂州取  
名於此

汾水經縣西二里

彘水出霍山經縣南一里

普濟寺貞觀八年奉詔以破家老生於此置寺

周屬王陵在縣東北二十五里

趙城縣 上 南至州九十五里 本漢彘縣地即造父之邑也自漢

迄晉不改後魏太武帝廢其趙城縣義旗之初分霍邑縣

置屬霍山郡因故趙城為名武德元年廢郡置呂州縣屬

焉貞觀十七年廢呂州縣屬晉州

汾水在縣西四里

霍山廟在縣東南三十里霍山上甚有靈驗貞觀五年勅

令修理

汾西縣 中 東西至州一百八十里 本漢彘縣地屬河東郡後漢改

彘為永安縣高齊又於此置臨汾郡及臨汾縣開皇三年

改臨汾縣為汾西縣十六年改屬汾州十八年改屬呂州

大業二年改屬晉州義旗初屬霍山郡武德元年又屬呂

州貞觀十七年廢呂州又屬晉州

汾水在縣東三十五里

冀氏縣 中 西至州一百九十二里 本漢騎氏縣地也屬上黨郡隋

晉君羨及至晉省後魏莊帝於騎氏城南置冀氏縣屬晉

州

烏嶺山在縣西三十里

沁水在縣東一里

慈州 下城 開元戶一萬一千二百七十五 鄉三十

元和戶一千七百七十五

卷十二

十九



尚貢冀州之域春秋時晉之屈邑獻公子夷吾所居也左傳曰驪姬賂外嬖梁五與東閔嬖五使言於公曰蒲與二屈君之疆也不可無主乃使重耳居蒲夷吾居屈注曰二屈今平陽郡北屈縣也左傳屈產之粟亦此地秦兼天下縣屬河東郡漢北屈縣屬河西郡後魏孝文帝於北屈縣南二十一里置定河郡即今州理是也隋開皇元年改定陽郡為武城郡貞觀八年改為慈州之內有慈烏戍因以為名

州境東西五百五十一里  
南北二百一十二里  
東南至東都七百二十五里  
西南至上都六百八十五里  
西至龍門縣一百八十里  
東南至絳州太平縣一百九十里

北至澤州二百里  
西北至丹州一百八十里  
東南至晉州二百四十里  
正西至黃河六十五里  
東南至絳州二百四十里

不貢賦  
賦開三貢  
賦麻布  
蠶白家

管縣五 吉昌 文城 昌寧 什城 呂香

吉昌縣中本漢北屈縣地也屬河東郡後魏孝文帝於今州置定陽郡并置定陽縣會有河西定陽胡人渡河居於此因以為名十八年改定陽縣為吉昌縣貞觀八年改置慈州縣依舊屬焉

壺口山在縣西南五十里

風山在縣北三十里山上有穴如輪風氣蕭瑟朱嘗暫止

當其衝略不生草故以風為名

黃河北去縣六十里

姚襄城在縣西五十二里本姚襄所築其城西臨黃河控帶龍門孟門之險周齊交爭之地齊後主武平二年遣右丞相斛律明月左丞相平原王段孝先破周兵於此城遂立碑以表其功其碑見存齊氏又於此城置鎮開皇廢武德二年人置鎮九年廢城高二丈周迴五里也

文城縣中東南至州六十五里本漢北屈縣地屬河東郡後魏孝

文帝於此置斤城縣屬定陽郡開皇十六年改斤城縣為文城縣

孟門山俗名石槽在縣西南三十六里淮南子曰龍門未闢呂梁未鑿河水孟門之上名曰洪水大禹疏通謂之孟門水經注曰風山西四十里河水南出孟門與龍門相對即龍門之上口也實為黃河之巨阨今按河中有山鑿中如槽東流懸注七十餘尺

文城故城在縣北三十里故老曰此城晉文公為公子時避驪姬之難從蒲奔狄因築此城人遂呼為文城

昌寧縣中西北至州五十里本漢臨汾縣地屬河東郡後魏太

武帝分臨汾縣置太平縣孝文帝又分太平縣置昌寧縣屬定陽郡開皇元年改屬耿州十八年又屬汾州大業二

元利君身志  
年改汾州為文城郡縣仍隸焉貞觀八年改為慈州縣又  
屬焉

西乳山在縣西南七十里山有兩岫望如乳形因以為名  
黃河北去縣七十九里

倚梯故城在縣西南一百五十里累石為之東北兩面據  
嶺臨谷西南兩面俯眺黃河懸崖絕壁百餘尺其西南角

即龍門之上口也以城在高嶺非倚梯不得上因以為名  
城中有禹廟後魏孝文帝西巡至此立碑今見在

禹廟在縣西南一百五里龍門東岸上其碑是後魏孝文  
帝所立

晉荀息墓在縣東北六十里

作城縣下中西南至州五十八里本漢北屈縣地屬河東郡後漢於

此置作城郡領京軍縣孝文帝改京軍縣為作城縣開皇  
三年廢作城郡改屬文城郡皇朝改屬慈州

石門山在縣北六十里

拓定故城在縣西一里周保定四年置以高境因以為名  
隋廢

呂香縣中至州八百二十里本漢臨汾縣地也屬河東郡後魏

太武帝於此置邢軍縣屬作城郡孝文帝改為平昌縣開  
皇十六年為平昌入作城縣義寧元年於此置平昌縣貞

觀元年改為呂香縣因舊呂香鎮為名屬慈州

馬頭山在縣南六十里其山峭巖為如馬首因以為名

橫嶺山在縣西北六十里

隰州大寧 開元戶一萬八千五百八十三 鄉四十八  
和戶二萬三千三百四十九 鄉二十四

禹貢冀州之域春秋時為晉地七國屬魏秦為河東郡地

在漢為蒲子縣屬河東郡後魏初屬并城郡孝文改蒲子

為長壽縣太和十二年於此置汾州周宣帝大象元年於

今州東有步置龍泉郡隋開皇五年改為隰州大業三年

又改為龍泉郡武德元年又為隰州爾雅曰下隰曰隰以

州帶泉泊下濕故以隰為名

州境東西

八到東南取慈州路至上都八百八十五里

東南至東都八百八十里

西至延州三百六十里

北至石州二百五十里

南至河汾州二百七十里

貢賦開元貢 蠟 白密 麝香 胡女布

管縣六 隰川 蒲縣 大寧 溫泉 永和 石樓

隰川縣中下本漢蒲子縣地也屬河東郡魏少帝分河東

置平陽郡蒲子縣屬焉劉元海僭號稱漢初理於蒲子後

徙平陽又於此置大昌郡以蒲子屬焉周宣帝改置長壽



縣開皇十八年改為隰川縣南有龍泉下隰因以為名屬

隰州

蒲水源自縣東北石樓山

黃櫨谷水出縣東北黃櫨谷

故橫城在縣南三十五里隋仁壽四年楊諒作逆遣偽將

吳子通屯兵築城於此橫絕蒲州道因以為名

蒲縣中西北至州一百一十里本漢蒲子縣地後魏於此置石

城縣後廢周宣帝於石城故縣置蒲子縣因漢蒲子縣為

名也屬定陽郡開皇五年改屬隰州大業二年改為蒲縣

五虎山在縣東北五十里山少草木故名五虎周廻七十

七里

常安原在縣西南四十里東西廣四十里南北長二十里

作城故城在縣一南六十三里後魏作城郡也

大寧縣中東北至州八十六里本漢北屈縣地也屬河東郡後魏

於此置作城縣尋廢周武帝又於廢縣西三里置大寧縣

屬南汾州大業二年省武德二年於此置中州復置大寧

縣以屬焉貞觀元年廢中州以縣屬隰州

孔山在縣西北二十五里上有穴如車輪三所東西相去

各二丈其深不測因以名

黃河北去縣六十八里

蒲水一名斤水去縣六十步

浮圖鎮齊清河四年築隋移大寧縣理即今此縣理是也

溫泉縣中西南至州一百六十里一本漢土軍縣地也後魏於土軍

故縣東七十里置新城縣屬土京郡太武改名嶺東縣孝

文改為新城縣武德三年於縣東南四十里置北溫州及

溫泉縣因縣南溫泉為名貞觀元年省北溫州及新城縣

以溫泉縣屬隰州

遠望山一名可寒堆在縣西七十里高五里周迴九十五

里

西陽泉源出縣東北去縣十里

永和縣中東至州本漢孤譟之涉縣屬河東郡後漢省

起初復置孤譟縣屬河東郡魏廢高齊後主於其城置永

和鎮周宣帝廢鎮置臨河郡及臨河縣屬汾州開皇五年

改屬隰州十八年改臨河為永和縣以縣西永和關為名

也

樓山在縣西南二十二里

黃河東去縣六十里

孤譟故縣城在縣西南三十五里

石樓縣中東至州本漢土軍縣也屬西河郡晉省後魏

孝文帝於此城置土京郡即漢土軍縣蓋胡俗音訛以軍

為京也開皇五年又以土京屬隰州十八年改土京為名樓縣因縣東石樓山為名也

石樓山在縣東南六十里水經注曰蒲水出石樓山

黃河東去縣九十九里

龍泉水出縣東南去縣十里山下牧馬多產名駒故得龍

泉之號

縣理城漢土軍城也其城圓而不方故謂之團城

元和郡縣圖志卷第十二

元和郡縣圖志卷第十三

河東道二

河東節度使

今為河東節度理所

太原府 開元戶一十二萬六千八百四十 元和戶一十二萬四千 鄉二百四十五 鄉二百四十九

管州十一 太原府 汾州 沁州 儀州

嵐州 自嵐州已下分入下卷

石州 忻州 代州 蔚州 朔州

雲州

管縣四十五 都管戶一十五萬二千六百八十三

禹貢冀州之域禹貢曰既修太原注曰高平曰原今以為  
郡名辭典曰肇十有二州王肅注曰辭為冀州之北太廣  
分置并州至夏復為九州省并州合于冀州周之九州復  
置并州職方曰正北曰并州其山鎮曰恒山藪曰昭餘祁  
川曰滹沱滙水變曰洹易釋名曰并兼也言其州或并或  
設固以為名春秋晉荀吳敗狄于大鹵即太原晉陽縣也  
中國曰太原春秋曰太鹵案晉太鹵大夏墟平陽晉陽諸  
名其實一如太原地記曰并州不以衛水為邦又不以恒  
山為名而言并者蓋以其在兩谷之間于素今州本高辛  
氏之子實沈又金天氏之子臺駘之所居也左傳曰昔高

辛氏有二子伯曰閼伯季曰實沈居于大林不相能也日  
尋于戈后帝不咸遷實沈于大夏主參金天氏有裔子曰  
昧為玄冥師生允格臺駘以處太原晉陽縣也太原臺駘  
之所居案今州又為唐國帝堯為唐侯所封又為夏禹之  
所都也帝王世紀曰帝堯始封於唐又徙晉陽及為天子  
都平陽平陽即今晉州晉陽即今太原也又曰禹自安邑  
都晉陽至桀徙都安邑至周成王以封弟叔虞是為晉侯  
史記曰成王與叔虞戲削相業為圭曰以是封汝周公請  
封之於唐成王曰吾戲耳周公曰夫子無戲言遂以封之  
今州春秋時為晉國戰國時為趙地左傳曰晉趙鞅入晉



陽以叛穎家曰趙簡子居晉陽至成公居邯鄲史記曰智伯率韓魏攻趙襄子奔保晉陽復為韓魏趙所滅故其地屬趙地理志曰趙西有太原秦本紀曰莊襄王二年蒙驁攻趙定太原四年初置太原郡始皇置三十六郡仍為太原郡漢二年魏豹反為楚畫有太原上黨之地九月韓信虜魏豹定魏地置河東上黨太原郡六年以太原二十一縣為韓國徙封韓王信都太原七年信反走入匈奴十一年封皇子為代王都晉陽文帝元年立皇子參為太原王都晉陽地理志云太原郡領二十一縣屬并州後漢末省并州入冀州魏文帝黃初元年復置并州改太原郡為太

原國初曹公圖表尚於鄴時表紹外甥高幹為并州刺史表紹說幹曰并州左有恒山之峻右有大河之固北有強胡宜速迎尚并力觀變幹不能用故敗晉惠帝時并州之地盡為劉元海所有其後劉曜徙都長安自平陽以東盡入石勒至符堅姚興赫連勃勃並於河東郡置并州後符不為慕容垂所迫奔于晉陽稱帝一年為慕容永所滅後魏後為大原郡周武帝建德六年平齊置六府於并州後省六府置并州總管隋開皇二年廢總管置河北道行臺尚書省今州理是也九年廢行臺復置并州總管大業元年廢總管三年罷州為太原郡隋季陵遲寇盜充斥煬

帝以高祖為山西河東道撫慰大使太原郡留守仍遣武  
賁即將王威高君雅為副時賊帥歷山飛衆號十萬來寇  
郡境劉武周又殺太守王仁恭舉兵馬邑俄又攻破汾陽  
宮監裴寂晉陽令劉文静勸高祖舉兵旬日間衆至數萬  
威君雅有疑心高祖斬之以徇時大業十三年也其年入  
閩封定京邑高祖輔政義寧元年太原郡仍舊不改武德  
元年罷郡為并州總管三年廢總管四年又置其年又改  
為上總管五年又改為大總管七年又改為大都督天授  
元年罷都督府置北都神龍元年依舊為并州大都督府  
開元十一年玄宗行幸至此州以王業所興又建北都改

并州為太原府立起義堂碑以紀其事二十一年分天下  
州郡為十五道置採訪使以檢察非法太原為河東道又  
於邊境置節度使以式遏四夷河東最為天下雄鎮河東節度  
理太原府管兵五萬五千人馬一萬四千匹  
衣賜一百三十六萬匹段軍糧五十萬石 倚角朔方天  
兵軍太原府城內聖歷二年置管 雲中郡守捉 東西去單  
七十里調露中裴行淹被突厥置管兵七千七 大同軍門  
百人馬二千三百匹東南去理所八百里 雁門今代州也  
郡北三百里調露中突厥南侵裴行儉開置管兵九千五  
百人馬至百匹東南去理所八百里雁門今代州也  
橫野軍 闕 安邊郡 公張嘉貞移置管兵七千八  
百人馬千八百匹西南去理所 定襄郡 去理所八百人  
所九百餘里安邊郡今蔚州 定襄郡 去理所八百人  
雁門郡 去理所五百里 樓煩郡 東南去理所二百五十里  
管兵四千 管兵三千人 樓煩今冀州

奇嶺軍樓煩郡北百里長安中李迥秀置管兵天寶元年  
改北都為北京今太原有三城府及晉陽縣在西城太原  
縣在東城汾水貫中城南流

府境東西南北

八到西南至上都一千二百六十里

南至東都八百九十里  
北至忻州一百八十里  
正南微東潞州四百五十里  
東北至恒州五百里

東南至儀州三百四十五里  
西南至沁州三百四十里

貢賦開元貢

甘草 龍骨  
黃石 參

特生草 銅鏡  
柏子仁 蒲萄

賦麻布

管縣一十三

太原

晉陽

榆次

清源

壽陽

太谷

祁縣

文水

交城

廣陽

陽曲

孟縣

樂平

太原縣

赤郭

開元戶一萬一千六百三十六

元和戶

鄉四十

本漢晉陽縣地高齊河清四年自今州城中移晉陽縣於

汾水東隋文帝開皇十年移晉陽縣於州城中仍於其處

置太原縣屬并州大業二年罷州置太原郡縣仍屬焉隋

末移入州城貞觀十二年遷還於舊理在州東二里百六

十步

穿山一名奇山在縣東北四十五里後魏書曰劉總遣子

榮襲晉陽倚盧救之遂獵穿山陳開皮肉山為之赤其山

出金鉞

潛丘在縣南三里爾雅曰晉有潛丘隋開皇二年於其上  
置大興國觀

洞道水東自榆次縣界流入西去縣三十里入晉陽縣界  
陽曲故城在縣東北四十五里

陽直故城在縣東北二十里開皇十六年改陽曲縣理此  
晉渠在縣西一里西自晉陽縣界流入汾東地多鹹鹵井  
不堪於貞觀十三年長史英國公李勣乃於汾河之上引

決晉渠歷縣經郛入西流入汾水

晉陽縣

亦郛

開元

戶一萬一千八百八十一

鄉二十五

本漢舊縣也屬太原郡至後魏並不改案此前晉陽縣理

州城中高齊武成帝河清四年移晉陽縣於汾水東今太  
原縣理是也武平六年於今理置龍山縣屬太原郡因縣  
西龍山以為名也開皇三年罷郡置并州十年廢龍山縣  
移晉陽縣理之大業三年罷州為太原郡縣仍屬焉皇朝  
因之在州南二里

懸壺山一名龍山在縣西南十二里山海經曰懸壺之山  
晉水出焉其上多玉其下多銅

蒙山在縣西北十里六國春秋曰前趙劉聰征劉琨不克  
畝晉陽之人踰蒙山而歸即謂此也今山上有揚忠碑為  
周將討齊戰勝隋文開皇二年追紀功烈始建此碑忠即



文帝之考謚曰武元皇帝

汾水北自陽曲縣界流入絳縣東二里又西南入清源縣界

晉水源出縣西南懸壟山水經注曰晉水出懸壟山東過其縣南昔智伯過晉水灌晉陽城不沒者三版後人踵其遺跡蓄以為沼、水分為二派其北瀆即智氏故渠也其瀆乘高東北注入晉陽城以周漑灌東南出城注於汾水其南瀆於石塘下伏流東南出晉陽城南又東南入於汾今紫晉水初泉出處砌石為塘自塘東分為三派其北一派名智伯渠東北流入州城中出城入汾水其次派東流

經晉澤南又東流入汾水此二派即酈元所言分為二派者也其南派隋文開皇四年開東南流入汾水

洞過水東自太原縣界流入西入于汾晉水下口者也水經注曰劉琨之為并州也劉元海引兵擊之合戰於洞過即此水是也今紫北水出沾縣北山沾即今樂平縣也水經縣東南二十五里入汾水

晉澤在縣西南六里開皇六年引晉水溉稻田周迴四十一里

府城故老傳晉并州刺史劉琨築今紫城高四丈周迴二十七里今紫城中又有五城其一曰大明城即古晉陽城

也左傳言董安于所築史記云智伯攻襄子於晉陽引汾水灌其城不沒者三版春秋後語云智伯攻晉陽決晉水灌之城中懸釜而炊今堽城東有汾水南流城西又有晉水入城而史記云引汾水後語云決晉水二家不同未詳孰是高齊後帝於此置大明宮因名大明城姚最序行記曰晉陽宮西南有小城內有殿號大明宮即此也城高四丈周迴四里又一城南面因大明城西面連倉城北面因州城東魏孝靜帝於此置晉陽宮隋文更名新城煬帝更置晉陽宮城高四丈周迴七里又一城東面連新城西面因州城開皇十六年築今名倉城高四丈周迴八里

故唐城在縣北二里堽所築唐叔虞之子燮父徙都之所也

三角城在縣西北十九里一名徒人城

捍胡城一名有胡城在縣北二十三里

受瑞壇在川理倉城中義旗初高祖太武皇帝受瑞石於坎壇文曰季理萬吉

晉陽故宮一名大明宮在州城內今名大明城是也昔智伯攻趙襄子襄子謂張孟談曰無箭柰何對曰臣聞董安于簡主之才臣也理晉陽公宮之垣皆以荻蒿楛櫟之蒿至于丈於是發而試之其堅則菌簞之勁不能過也公曰

天利君具志  
矢足矣吾銅少對曰臣聞董安于之理晉陽公宮之室皆以鍊銅為柱質請發而用之則有餘銅矣高齊文宣帝又於城中置大明宮

竹馬府在州城中

汾橋架汾水在縣東一里即豫讓欲刺趙襄子伏於橋下襄子解衣之處橋長七十五步廣六丈四尺

晉祠一名王祠周唐叔虞祠也在縣西南十二里水經注曰昔智伯遺晉水以灌晉陽其川上源後人蓄以為沼西陰山挑水者唐叔虞祠水側有涼堂結飛梁於水上晉川之中最為勝處序行記曰高洋天保中大起樓觀穿築

池塘自洋已下皆遊集馬至今為北郊之勝

介之推祠在縣東五里

唐叔虞墓在縣西南十六里

高齊相國咸陽王斛律金墓在縣西南十七里

晉祠碑在乾陽門街貞觀二十年太宗幸并州所置御製

并書

起義堂碑在乾陽門街開元十一年玄宗幸太原所立御

製并書

講武臺在縣西北十五里顯慶五年置

榆次縣哉 西去府五 開元戶一萬五千四百三十七 十六里 元和戶

本漢舊縣即春秋時晉魏榆地左傳曰石言于晉魏榆注  
曰魏晉邑榆即州理名也史記曰莊襄王二年使蒙驁攻  
趙魏榆漢以為縣屬太原郡後魏太武帝并入晉陽縣宣  
武帝復置榆次縣高齊文宣帝省自今縣東十里移中都  
縣理之屬太原郡十年改中都縣又為榆次縣三年罷州  
為郡縣仍屬馬皇朝因之

麓臺山俗名鑿臺山在縣東南三十五里

洞道水東自壽陽縣界流入經縣南四里又西南入太原  
縣界

中都故城縣東十里高齊移於廢榆次城即今縣理是也

鑿臺在縣南四里水經注曰洞過水西過榆次縣南水側  
有鑿臺智伯瑤列腹絕腸折頭摺頤之處史記曰智氏信  
韓魏從而伐趙攻晉陽韓魏殺之於鑿臺之下說苑曰智  
氏見伐趙之利不知榆次之禍皆謂此也今案其臺為洞  
過水所侵無復餘跡

原道祠俗名原公祠在縣東九里史記曰智伯率韓魏攻  
趙：襄子懼乃奔保晉陽原過從後至於王澤見三人自  
帶已上可見自帶以下不可見與原過竹三節莫通曰為  
我遺趙毋卹原過既至以告襄子襄子齎三日親自剖竹  
有朱書曰趙毋卹余霍泰山：陽侯天吏也三月丙戌予



將使汝及滅智氏汝亦立我百邑襄子再拜受三神之令  
既滅智氏遂祠三神於百邑使原過主之

麓臺山祠俗名智伯祠在麓臺山上

清源縣

東北至府開元戶八千五百四十一

鄉十七

本漢榆次縣地。理志曰榆次有梗陽鄉魏戌邑案梗陽  
在今縣南百二十步梗陽故城是也自漢晉皆為榆次縣  
地後魏省榆次縣地屬晉陽開皇十六年於梗陽故城置  
清源縣屬并州因縣西清源水為名大業二年省又為晉  
陽縣地武德元年重置  
汾水經縣東去縣九里又東南入文水縣界

梗陽故縣城春秋晉大夫祁氏邑也在縣南百二十步左  
傳曰晉殺祁盈遂滅祁氏分為七縣戌為梗陽大夫是也  
開皇十六年於其城內置清源縣

鴟城在縣東南二十二里晉陽春秋曰永嘉元年洛陽步  
廣里地陷有二鴟色黃蒼者飛冲天白者不能飛蒼雜色  
故夷之象劉擢以為己瑞築此城以應之

闔沒墓在縣西南三里左傳曰梗陽人有獄魏戌不能斷  
以獄上其大宗賂以女樂魏子將受之魏戌謂闔沒必諫  
許諾退朝待於庭饋入召之比置三歎魏子問之對曰或  
賜小人酒不夕食饋始置恐不足中自咎曰豈將軍食之

而有不足及績之單願以小人之腹為君子之心屬廢而  
乙魏子辭梗陽人

壽陽縣西向至府一百五十里開元戶五千一百六十七 鄉十

本漢榆次縣地西晉於此置受陽縣屬樂平郡永嘉後省  
晉末山戎內侵後魏太武遷戎外出徙受陽之戶於太陵

城南置受陽縣屬太原郡受陽縣即今文水縣是也開皇

十年改受陽為文水縣又於受陽故城別置受陽縣屬并

州即今縣是也大業三年罷州為太原郡縣仍屬焉武德

三年置受州縣改屬焉貞觀八年廢受州縣并州貞觀十

一年更名壽陽

方山在縣北四十里

洞道水東自樂平縣界流入在縣南五十里又西南入榆

次縣界

馬首故城在縣東南十五里左傳曰晉分祁氏之田為七縣

韓固為馬首大夫即其地也

神武故城後魏神武都也在縣北三十里周廢

太谷縣西北至府七十五里開元戶一萬五百九十 鄉二十

本漢陽邑縣地屬太原郡今縣東十五里陽邑故城是也

後漢明帝以馮魴為陽邑侯後魏太武帝省景明二年復

置陽邑縣屬太原郡即今縣是也高齊及周同開皇三年

罷郡屬并州開皇十八年改陽邑為太谷縣因縣西太谷  
為名大業三年罷州為太原郡縣仍屬焉武德三年分并  
州之太谷祁二縣於此置太州六年省太州復以太谷祁  
縣屬并州

白壁嶺在縣北七十五里

蔣谷水今名象谷水源出縣東南象谷經縣北四里北入  
清源縣界

陽武故城在縣東南十五里

咸陽故城在縣西南十里秦伐趙築之以咸陽兵戍之因  
名

蘿萼亭谷名落漢城在縣西北十九里

祁縣篋北至府

開元戶一萬五千七百八十二 鄉三十

本漢蒲縣即春秋時晉大夫祁奚之邑也左傳曰晉殺祁

盈遂滅祁氏分為七縣以賈辛為祁大夫注曰太原祁縣

也紫漢祁縣在東南五里故祁城是也後漢訖後魏並不

改高齊天保七年省開皇十年重置屬并州武德二年改

屬太州六年省太州還屬并州

情山在縣東南六十里

胡甲水一名太谷水東南自潞州武鄉縣界流入又南入

汾州平遙縣界

故祁城漢祁縣城也在縣東南五里晉大夫賈辛邑水經注曰賈辛以貌醜妻不為言與之如臯射雉中之妻乃笑案左傳魏獻子謂賈辛曰昔賈大夫惡娶妻而美三年不言御以如臯射雉獲之其妻始笑而言注曰賈國之大夫以此而言則辛非射雉者鄭元所引為謬

趙襄子城在縣西六里

雲州故城後魏雲州城也在縣西二十里孝武帝永熙中寄理并州界謂此也

祁奚墓在縣東南七里

後漢溫序墓在縣西北十四里序本祁人死塋洛陽其子

夢序云久客思故鄉乃反塋焉

後漢周黨墓在縣東南十四里黨廣武人世祖引見伏而不謁

高齊唐邕墓在縣東南七十里碑云齊尚書令晉昌王

文水縣東北至府開元戶一萬一千六百六鄉二十三

本漢大陵縣地屬太原郡今縣地十三里大陵故城是也

後魏省仍於今理置受陽縣屬太原郡開皇十年改受陽

縣為文水縣因縣西文谷水為名皇朝因之天授元年改

為武興縣神龍元年復為文水縣城甚寬大約三十里百

姓於城中種水田



汾水東北自清涼縣界流入經縣東十五里又西南入汾州隰城縣界

文水西北自文城縣界流入經縣西又南入隰城縣界  
大陵城漢大陵縣也在縣東北十里史記曰趙武靈王遊大陵夢處女鼓琴而歌其日數言所夢想見其狀吳廣聞之因進孟姬焉

平陶城漢平陶縣城也在縣西南二十五里屬太原郡後魏改為平遙縣後西胡內侵遷居京陵塞在今汾州界大于城在縣西南十一里本劉元海築令地延年鎮之胡語長兄為大于因以為名

交城縣

東北至府八十里

開元戶五千四百十三

鄉十二

本漢晉陽縣地開皇十六年分晉陽縣置交城縣取古交城為名屬并州皇朝因之天授二年長史五及善自山北故交城縣移就却波村置

少陽山在縣西南九十五里其上多玉其下多赤銀高二百丈周迴二十里

羊腸山在縣東南五十三里石磴縈委若羊腸後魏於此立倉今嶺上有故石墟俗云太武帝避暑之所地理志上黨臺閣亦有羊腸陂在今潞州界不謂此也

狐突山在縣西南五十里出缺鉞

汾水西北自嵐州靜樂界流入

文谷水出縣西南文谷水經曰文水出大陵縣西山文谷

紫大陵縣在今文水縣北十三里大陵故城是也文水發

源北城西北東南流入文水縣界行八十里

廣陽縣 西至府二 開元戶二千六百七十三 鄉五 百六十里 元和戶

本漢上艾縣也屬太原郡後漢屬常山國晉屬樂平郡後

魏改名艾縣屬樂平郡不改開皇三年罷郡改屬遼州大

業三年省遼州後屬并州武德三年又屬遼州遼州今太

原府樂平縣理是也六年改屬受州貞觀八年廢受州後

屬并州天寶元年改為廣陽縣因縣西南八十里廣陽故城

為名也

浮山在縣東南三十五里

澤發水一名阜漿水亦名姑女泉源出縣東北董卓壘東

今其泉初出大如車輪水色青碧泉傍有祠土人祀之婦

人袷服靚粧必興雨電故曰姑女故老傳此泉中有神似

鰲書伏夜游神出水隨神而涌其水東北流入井陘縣界

廢受州城在縣西北三十里舊名塞魚城武德八年因故

跡築移受州理此貞觀八年廢

井陘故關在縣東八十里史記曰漢二年韓信與張耳欲

東下井陘擊趙王成安君陳餘聚兵井陘曰二十萬廣武

君李左車說成安君曰井陘道狹車不得方執騎不得成  
列假臣奇兵三萬從間道絕其輜重不至十日兩將之頭  
可致戲下餘不從故敗今紫井陘亦名土門

盤石故關在縣東北七十里

著澤故關在縣東北八十里

董卓壘在縣東北八十里水經注曰澤發水出董卓壘東

如女祠在縣東北九十里澤發水源

陽曲縣畿南至府開元戶八千一百二十二 鄉十六  
七十里 元和戶

本漢舊縣也屬太原郡黃河千里一曲二當其陽故曰陽  
曲紫以前陽曲縣今忻州定襄縣是也後漢末移於太原

縣北四十五里陽曲故城是也後魏又移於今縣南四里

陽直故城開皇三年改為陽直縣十年又移於今縣東北

四十里汾陽故縣十六年改陽直縣為汾陽縣因漢舊名

也煬帝又改為陽直縣移理木井城即今縣理是也武德

七年入於今縣西十五里分置汾陽縣屬并州七年省陽

直縣改汾陽為陽曲縣因漢舊縣也

方山在縣東六十里

汾水西自交城縣流入經縣西南去縣三十里又東南入

太原縣界

縣城故木井城也東魏孝靜帝築城中有井以木為甃因

名之

狼孟故城在縣東北三十六里史記曰始皇十五年大興兵至太原取狼孟是也漢以為縣屬太原郡晉末省案城左右挾澗幽深南面太整俗謂之狼馬澗舊澗為城今餘壁猶存

故孟城漢孟縣也本春秋時晉大夫祁氏邑在縣東北十里左傳曰晉殺祁盈遂滅祁氏分為七縣以孟景為孟大夫漢以為縣

石嶺鎮在縣東北七十里

孟縣巖西南至府間元戶五千二百七十六

鄉十

本漢舊縣屬太原郡後漢及晉不改案此前孟縣在今縣西南陽曲縣東北八十里故孟縣城是也後魏省地屬石艾縣開皇十六年分石艾縣置原仇縣屬遼州因原仇故城為名即今縣是也大業二年改原仇為孟縣因漢舊名屬并州皇朝因之武德三年割并州之孟壽陽二縣於此置受州貞觀八年省受州孟縣復屬并州

白馬山在縣東北六十里山海經曰白馬之山其陽多玉石其陰多鐵及赤銅木焉之水出焉山上有白馬關後魏所置

原仇山在縣北三十里出人參鐵鉞縣取此山為名潯沱



水西自代州五臺縣界流入南去縣百里

縣城本名原仇城亦名仇由城案韓子曰智伯欲伐仇由

國道難不通鑄大鍾遺之仇由大悅除塗將內之赤章曼

支諫不聽斷穀而馳仇由以亡蓋其地也

樂平縣漢西南至府開元戶二千六百八十九 鄉五

本漢沾縣屬上黨郡沾音丁急反晉於此置樂平郡沾縣屬

焉及別置樂平縣後魏太武帝省樂平郡及縣孝明帝於

今儀州和順縣重置樂平郡及縣高齊移理沾城即今縣

是也開皇十六年於此置遼州縣屬焉大業二年省遼州

以樂平屬并州皇朝因之武德六年廢受州貞觀八年省

受州縣改屬并州

少山一名河逢山在縣西南三十里福地記曰河逢山在

樂平沾縣高八百丈可避兵水此即恒山之佐命也

沾嶺在縣西三十里

清漳水出縣西南少山海經曰少山清漳水出焉今案

清漳出樂平濁漳出潞州山子縣界

縣城即漢沾縣城也隋文帝更加修築

昔陽故城一名夕陽城在縣東三十里左傳曰晉荀吳假

道於鮮虞遂入昔陽滅肥子綿臯歸七國時趙戊於此

汾州西河開元戶五萬三千七十六 鄉一百一十四

元和戶八千三百四 鄉一百一十八

禹貢冀州之域其在虞舜十二州及周皆屬并州春秋時  
為晉地後屬魏謂之西河子夏居西河吳起為西河守皆  
謂此也秦屬太原郡漢武帝元朔四年置西河郡領縣三  
十六理富昌縣是也後漢徙理離石即今石州離石縣也  
獻帝末羌廢魏黃初二年乃於漢慈氏縣置西河郡即今  
州理是也晉惠帝時為劉元海所攻破郡遂廢後魏孝文帝  
太和八年復於慈氏舊城置西河郡屬吐京鎮案吐京鎮  
今隰州西北九十里石樓縣是也十二年改吐京鎮為汾  
州西河郡仍屬焉明帝時為胡賊所破因於移西河郡理  
平陽界高寧又於此城置南朔州周武帝廢南朔州宣帝

於此置汾州大業三年廢汾州還於隰城縣置西河郡皇  
朝初改為濬州武德三年又改濬州為汾州

州境東西一百六十四里  
南北二百八十五里  
八到西南至上都一千九十里  
西北至石州一百六十里  
東北至太原府一百七十里  
東南至沁州二百六十里  
貢賦開元貢 龍鬚席 石膏 賦麻布 菽粟

管縣五 西河 孝義 介休 靈石 平遙

西河縣望 開元戶一萬二千三百七十五 鄉二十五

本漢慈氏縣也曹魏於此置西河郡晉改為國仍改慈氏  
縣為隰城縣上元二年改為西河縣今城內有晉西河王

斌碑文字殘缺

謁泉山上有石室去地五十餘丈頂上平地可千頃相傳以為子夏石室

比干山在縣北一百一十里

文湖一名西河泊在縣東十里多捕魚之利

八門城在縣北十五里劉元海遣將喬嵩攻西河築營自同營有八門因名

卜商祠在縣北四十里

孝義縣

西北至州三十五里

開元戶一萬六百八十五

本漢慈氏縣地曹魏移西河郡中陽縣於今理永嘉後省

入隰城後魏又分隰城於今靈石縣東三十里置永安縣

貞觀元年以縣名與涪州縣名同改為孝義縣因縣人郭

興有孝義故以名焉

勝水在縣南一里

圍城在縣西北十八里後魏築以防稽胡其城紆曲故名

圍城

魏文侯墳在縣西五里

段干木墓縣東北二十五里

介休縣

西北至州六十五里

開元戶一萬一千三百八十三 鄉三十三

本秦漢之舊邑在介山西因名之後魏明帝時為胡賊所

破至孝靜帝更修築遷朔州軍人鎮之因立為南朔州但領軍人不領郡縣其介休縣仍屬汾州高齊省介休入永安縣周武帝省南朔州復置介休縣宣帝改介休為平昌縣隋開皇末又改平昌為介休縣義寧元年於縣置介休郡武德元年改郡為介州貞觀元年廢介州以縣屬汾州

介山在縣西南二十里

雀鼠谷在縣西十二里

汾水在縣北十二里

鄆城泊在縣東北二十六里周禮并州之數曰昭餘祁即鄆城泊是也

郭林宗墳在縣東三里周武帝時除天下碑唯林宗碑詔特留

靈石縣

上北至州一百二十里

開元戶三千七百三十一

鄉八

本漢介休縣地隋開皇十年因巡幸開道得瑞石遂於谷口置縣因名靈石皇朝因之

介山在縣東四十二里

汾河在縣北十步深一丈闊三丈

賈胡堡在縣南三十五里義寧元年義師次於霍邑隋將宋金剛拒不得進屯軍此堡有霍山神見靈事已具於霍

邑縣敘事



平遙縣 望西北至州 開元戶一萬八千九百七 鄉三十八

本漢平陶縣地屬太原郡後漢隸西河郡魏以太武帝名  
壽改平陶為平遙隋屬西河郡義寧元年於介休縣置介  
休郡以平遙縣屬焉武德元年於此置介州縣屬不改貞  
觀元年省州縣屬汾州

麓臺山在縣東南五十二里

京陵故縣在縣東七里漢京陵縣晉九原地也禮記注曰

九原晉卿大夫之墓地也

中都故縣在縣西十二里屬太原郡漢文帝為代王都於  
此

沁州 陽城 開元戶六千五百一十 鄉一十三  
中下 元和戶二千二百一十 鄉一十三

禹貢冀州之域春秋時其地屬晉戰國屬韓在秦為上党  
郡地今州即漢上党郡之穀遠縣地也開皇十六年於此  
置沁州因州東沁水為名大業二年省沁州武德元年重  
置

州境 東西一百五十里  
南北二百六十四里

八到 西南至上都一千二十里 東南至東都六百三十里  
西南至晉州二百九十里 西北至汾州二百六十里  
東北至太原府三百四十里 西至晉州霍邑縣一百五十里  
東北至潞州三百三十里

貢賦 開元貢 龍鬚席 賦布

管縣三 沁源 和川 綿上

沁源縣中

開元戶二千二百五十四

鄉五

本漢穀遠縣地皆在今縣南百五十里孤遠故城是也語音訛轉故以穀為孤耳後魏莊帝於今理置沁源縣因沁水為名也屬義寧郡開皇三年罷郡置縣屬晉州十六年置沁州縣屬焉

霍山一名大岳在縣西七十八里

沁水自綿上縣界流入在縣東一里

和川縣

中下北至州

開元戶二千八十

鄉四

本漢穀遠縣地後魏莊帝於今縣南九里置義寧縣屬義寧郡開皇三年罷郡改屬晉州十六年置沁州縣屬焉十

八年改為和川縣大業二年省武德元年重置

烏嶺在縣西十六里

沁水在縣東十里

奔波水在縣東八十步

冀缺墓在縣南三十六里

綿上縣

中下南至州七十六里

開元戶一千八百一十五

鄉四

本漢穀遠縣地開皇十六年置綿上縣屬沁州以縣西界有綿上地因以為名

羊頭山一名謂戾山在縣東北五十里沁水所出

沁水一名少水出縣東南二十四里覆甄山左傳曰齊侯

伐晉封以水為京觀也

霍山在縣西南八十里

儀州樂平開元戶七千九百七十五

和戶一千六百五十一 鄉二十九

為貢冀州之域春秋時其地屬晉戰國屬韓秦為上黨郡

地今州即漢上黨郡之涅縣地也後漢於此置輜陽縣屬

上黨郡隋開皇十年於輜陽故城置遼山縣屬并州即今

州理是也武德三年於此置遼州八年改為冀州因遼山

縣界冀山為名先天元年以其玄宗韓同聲改為儀州因

州東夷儀嶺為名也

州境東西二百五十里

南北一百五十九里

八列

西南至上都一千六百四十里  
西北至太原府三百四十五里  
正東徹南至沁州三百六十里  
北至太原府樂平縣一百十里

西至東都七百八十里  
西至太原府和縣三百里  
南至潞州一百一十里

貢賦

元和貢

人參三十兩

管縣四

遼山

榆社

平城

和順

遼山縣

鄉下

開元戶二千一百九十

鄉五

本漢涅縣地後漢於此置輜阿縣屬上黨郡晉改為輜陽  
縣屬樂平郡後魏明帝改為遼陽開皇十年改置遼山縣  
因縣西北輜山為名皇朝因之

冀山在縣東四十五里上有許由冢案司馬遷傳曰余登  
冀山上有許由冢則在今潞州陽城縣不當在此

五指山在縣東五十里

祝融祠在縣北二里

榆社縣 中米至州一百一十里 開元戶二千七百一十 鄉六

本漢涅縣北晉於今縣西北三十五里置武鄉縣屬上黨郡

石趙時改屬武鄉郡開皇十六年於此置榆社縣屬韓外

今潞州黃涅 因縣西北榆社故城為名 大業二年省義寧

縣屬遼州後屬儀州縣城故武鄉城也石勒時築前趙錄

曰石勒上黨武鄉人僭號後還令曰武鄉吾之豐沛其復

之三世

之三世

石勒滹麻池在縣北三十里即勒微時與李陽所爭處今

枯樹總百處所

平城縣 下東南至州九十里 開元戶九百五十四 鄉三

本漢涅縣也晉置武鄉縣地屬焉開皇十六年於趙簡子

所立平都故城置平城縣屬遼州大業三年改屬并州武

德三年改屬榆州六年省榆州改屬遼州貞觀八年改屬

冀州先天元年改屬儀州

八賦嶺在縣西南三十里武鄉水所出

和順縣 中向至州八十五里 開元戶二千一百二十九 鄉五

本漢沾縣地即韓之關與邑也史記曰秦代韓關與趙惠



文王使趙奢救之大破秦師即此地也開皇十年於今理  
置和順縣屬并州因縣東北和順故城以為名  
九京山在縣西十里  
清漳水在縣北

元和郡縣志卷第十三

元和郡縣志卷第十四

河東道四

太原府下 嵐州 石州 忻州 代州 蔚州

朔州 雲州

嵐州樓煩

開元戶一萬七百二十六  
元和戶六千三百八十二

鄉二十二  
鄉三十三

本并州之域春秋屬晉：滅後為朝樓煩王所居趙武靈

王破以為縣秦為太原郡地在漢即太原郡之汾陽縣地

也漢末大亂匈奴侵逼自定襄已西盡雲中雁門西河之

間遂空建安中曹公糾率散亡立新興郡晉末陷劉元海

後魏於今理置嵐州因州西岢嵐山為名也大業四年

於靜樂縣界置樓煩郡因漢樓煩縣為名隋亂陷賊武德  
四年平劉武周置東會州六年省東會州重置嵐州天寶  
元年改為樓煩郡乾元二年復為嵐州

州境東三百一十里  
南三百七十八里

八到南至上都取太原路一千五百八十里取石隰路一千三百七十五里  
東南至東都一千二百一十里東南至太原府三百二十里

東至忻州二百四十里東北至代州三百里  
西至黃河一百八十里河上有合河關從關西至麟州百二十里

南至石州二百四十里  
東北至朔州三百七十四里

貢賦 開元貢 熊皮 麻 石炭

管縣四 宜芳 靜樂 合河 嵐谷

宜芳縣 上 開元戶五千五百二十四 鄉十一  
下

本漢汾陽縣地屬太原郡後魏於此置岢嵐縣開皇十八  
年改為汾源縣大業四年改汾源為靜樂縣八年分靜樂  
岢嵐城縣屬樓煩郡武德四年改為宜芳縣岢嵐山在縣  
北九十八里高二千餘丈西北與雪山相接  
岢嵐鎮在縣西北九十八里

秀容故城在縣南三十里劉元海感神而生姿容秀美因  
以為名也

靜樂縣 上 西至州 開元戶三千四百八十七 鄉七  
四十五里

本漢汾陽地城內有堆阜三俗名三堆城開皇三年自今  
宜芳縣北移岢嵐縣於三堆城十八年改為汾源縣大業

二年改為靜樂縣武德四年於縣置北管州因管涔山為  
名六年省縣屬嵐州

管涔山在縣北百三十里汾水源出焉初劉曜隱於此山  
山神使二童子獻劍於曜曰管涔山王使謁趙皇帝獻劍  
伏伐城在縣北八十里隋樓煩郡所理也

隋汾陽故宮在縣北百二十里

樓煩閼在縣北百五十里

天池在縣北燕京山上周迴八里陽旱不耗陰霖不溢故  
老言嘗有人乘車風飄墮池有人獲車輪於桑乾泉後魏  
孝文帝以金珠穿魚七頭放此池後亦於桑乾泉得之隋

煬帝嘗於池南置宮每夜風雨吹破宮竟不成今池側有  
祠謂之天池祠

合河縣 中東至州  
百八十里

開元戶一千八百五十九

鄉四

本漢汾陽縣地後魏於蔚汾谷置蔚汾縣屬神武郡開皇  
三年罷郡縣屬石州大業二年改為臨泉縣四年屬樓煩  
郡武德七年改為臨津縣屬嵐州貞觀元年改為合河縣  
以城下有蔚汾水西與黃河合故曰合河

黃河在縣西二里

合河閼在縣北三十五里

蔚汾閼在縣東七十里

隋長城起縣北四十里東經幽州延袤千餘里開皇十六

年因古跡修築

嵐谷縣州中南至州九十里

開元戶四千六百五十七

鄉九

隋大業中置岢嵐鎮歷草城川賊路長安三年於此置嵐

谷縣景龍年廢開元十二年重置因取嵐谷為名

石州昌化

開元戶九千二百六十二

鄉三十二

禹貢冀州之域虞及周屬并州春秋時屬趙亦為白狄之

地今步落稽其岾也在秦為西河郡之離石縣靈帝末黃

巾大亂百姓南奔其郡遂廢魏黃初三年復置離石縣晉

惠帝末劉元海起於河西攻陷郡縣其離石又沒於賊石

勒時改為永石郡後魏明帝改為離石鎮高齊文宣帝於  
城內置西汾州周武帝改為石州大業二年又為離石郡  
武德元年改為石州五年置總管七年改為都督貞觀六

年復為石州

州境東西北西三百九十里

八列西南至上都一千二百五十里 東南至東都一千九十里

東南至汾州一百六十里 西渡河至綏州二百三十里

正南微東至隰州二百五十里

貢賦開元貢 胡女布三端 龍鬚蓆五領 麝香

管縣五 離石 平夷 定胡 臨泉 方山

離石縣中 開元戶二千七百七十三 鄉五



隋長城起縣北四十里東經幽州延袤千餘里開皇十六

年因古跡修築

嵐谷縣州中南至九十里

開元戶四千六百五十七

鄉九

隋大業中置岢嵐鎮歷草城川賊路長安三年於此置嵐

谷縣景龍年廢開元十二年重置因取嵐谷為名

石州昌化

開元戶九千二百六十二  
元和戶五百二十

鄉三十二  
鄉三十二

禹貢冀州之域虞及周屬并州春秋時屬趙亦為白狄之地今步落稽其胄也在秦為西河郡之離石縣靈帝末黃中大亂百姓南奔其郡遂廢魏黃初三年復置離石縣晉惠帝末劉元海起於河西攻陷郡縣其離石又沒於賊石

勒時改為永石郡後魏明帝改為離石鎮高齊文宣帝於城內置西汾州周武帝改為石州大業二年又為離石郡武德元年改為石州五年置總管七年改為都督貞觀六

年復為石州

州境東西二百九十里  
南北三百三十里

八列西南至上都一千二百五十里  
東南至汾州一百六十里  
正南微東至濕州二百五十里  
北至嵐州二百四十里 東南至東都一千九十里  
西渡河至綏州二百三十里

貢賦

開元貢

胡女布三端  
蜜蠟 賦麻布

龍鬚蓆五領

麝香

管縣五

離石

平夷

定胡

臨泉

方山

離石縣中郭下

開元戶二千七百七十三

鄉五

本漢舊縣也屬西河郡縣東北有離石水因取名焉漢末  
荒廢魏黃初復置後隋劉元海石勒改為永石郡高齊文  
宣帝於此置昌化縣屬懷政郡後周復為離石屬石州隋  
氏不改皇朝因之

離石山今名赤洪嶺在縣西五十步高嶽大破爾朱兆於  
赤洪嶺蓋此處也

盧城在縣東二十里晉并州刺史劉琨所築以攻劉曜

平夷縣中北至州開元戶一千五百七十一 鄉四

本漢離石縣地周宣帝割縣西五十一里置平夷縣屬石  
州隋氏不改皇朝因之

黃河西去縣四十五里

寧鄉水在縣西南一百五十步

定胡縣中東至州開元戶二千六百九 鄉五

本漢離石縣地周宣帝大象元年於此置定胡縣隋因之

武德三年於縣置西定州貞觀二年廢州置孟門縣七年

廢縣為孟門鎮八年廢鎮復為定胡縣

黃河去縣西二百步

孟門閘在縣西一百步河東岸

臨泉縣中下南至州開元戶一千五百九十六 鄉五

本漢離石縣地周大象元年於此置烏突郡烏突縣隋開

皇元年改烏突郡為太和郡烏突縣為太和縣三年廢郡  
以泰和縣屬石州武德三年改太和為臨泉縣  
臨泉水在縣北一百步縣因此水為名

黃河在縣北二十里

方山縣州中九十里

開元戶一千三百五十三

鄉四

本漢離石縣地高齊文宣帝於此縣北六十八里置良泉  
縣屬離石郡大業三年移就今縣南三十五里方山置故  
名方山貞觀十一年移於今理

赤洪水在縣南五十里

三角戍在縣北七十三里

忻州定襄

開元戶一萬四千四百三十八

鄉二十八

本并州之域春秋時為晉地戰國為趙地秦為太原郡地

今州即漢太原郡之陽曲縣也秦漢陽曲縣在今州東四

十五里定襄縣理是也後漢末大亂匈奴侵邊自定襄已

西盡雲中雁門之間遂空曹公立新興郡以安集之理九

原即今州是也後魏宣武帝又於今州西北十八里故州

城移肆州理此因肆虛川為名也開皇十八年改置忻州

因州界忻川口為名也大業二年省忻州義旗初又置新

興郡武德元年廢郡復置忻州二年隋劉武周四年武周

平依舊置忻州

州境東西一百四十五里

八到西南至上都一千四百四十里

南至東都一千七十里  
西至嵐州二百四十里

東北至代州一百六十里

南至太原府一百八十里

開元貢 麝香 扇十三枝

賦麻布

貢賦

管縣二 秀容 定襄

開元戶七千一百三十八

鄉十一

秀容縣郭下

本漢陽曲縣地屬太原郡後漢末於此置九原縣屬新興郡後魏莊帝於今縣東十里置平寇縣開皇十八年於此置忻州又於今縣西北五十里秀容故城移後魏明元所置秀容縣於今理屬忻州國朝因之

滹沱水在縣東三十二里

定襄縣上東至州四十五里

開元戶五千五百三十二

鄉十七

本漢陽曲縣屬太原郡黃河千里一曲縣當其陽故曰陽曲後魏末移陽曲縣於太原界仍於此城置定襄縣屬新興郡高齊省武成帝移平寇縣於此開皇十年移平寇於崞城今代州崞縣是也武德四年分秀容縣於漢陽曲城重置定襄縣

聖阜今名聖人山在縣東北二十里石上手足迹猶存滹

沱水西自秀容縣界流入

代州雁門都督府

開元戶一萬五千七十七

鄉二十八



本并州之域春秋時為晉地戰國時屬趙史記曰趙襄子與韓魏共滅智伯分晉地則趙有代勾注之北今案勾注在西州北三十五里雁門縣界西陞山是也秦置三十六郡雁門是其一焉漢因之後漢末勾奴侵邊其地荒廢周宣帝大象元年自仇原城移肆州於今理隋開皇五年改肆州為代州大業三年改為雁門郡隋氏喪亂陷於寇境武德四年平代置代州都督府

州境東西三百二十里 南北三百二十里 南至上都一千六百里 西至冀州三百里 東至東都一千二百三十里 北至朔州一百二十里 東南取崩石嶺至恒州五百四十里

貢賦開元貢 賜餉五具 廣府香

管縣五 雁門 繁峙 五臺 唐林 崞縣

雁門縣上 雁門縣 下 開元戶五千二百二十一 鄉十

本漢廣武縣地屬太原郡後漢改屬雁門郡開皇三年罷郡縣仍屬肆州後改肆州為代州縣屬不改十八年改廣武縣為雁門縣蓋避太子之諱也國朝因之夏屋山在縣東北三十五里史記曰趙襄子北登夏屋誘代王使厨人操銅斗擊殺之遂有代地

勾注山一名西陞山在縣西北三十里晉咸寧元年勾注碑曰蓋北方之險有盧龍飛狐勾注為之首天下之阻所

以分別外內也漢高祖破伐匈奴不從婁敬之說械繫於

廣武遂跡勾注困于平城謂此地也

河神祠在縣南開元九年并州兵史張說奏置

繁峙縣中西至開元戶一千五百九十三鄉五

本漢舊縣屬雁門郡漢末匈奴侵寇舊縣荒廢晉又置繁

峙縣同省隋開皇十八年重置於今縣東六十里大堡戍

大業十二年移於武州城聖曆二年以縣在平川難於固

守遂東移於今理其城三面枕澗東接峻坂極為險固

秦戲山一名武夫山在縣東南九十里滹沱水出焉

五臺縣中西北至州開元戶二千一百六十五鄉四

五臺山在縣東北百四十里道經以為紫府山內經以為

清涼山

慮仇水在縣北十五里

唐林縣中東北至州一百一十里

本漢廣武縣地證聖元年分五臺寧二縣置武延縣唐隆

元年改為唐林縣

滹沱水在縣東

沙河在縣南二里

嶧縣中東北至

本漢舊縣因山為名

為嶧山縣後魏宣武帝移雁門郡理此

縣於此屬代州大業二年改為嶧縣

濤池水在縣東二百步

蔚州

興唐開元戶四千八百八十七

元和中戶一千五百六十三

兩貢冀州之域虞及周屬并州周禮并州川曰滹夷浸曰

涑易今滹夷在靈丘涑易在飛狐皆在州境春秋時其地

屬晉潏同時屬趙哀子後代王有其地後武靈王置雲中

雁門代郡秦亦為代郡漢元年項羽徙趙王歇為代王二

年陳餘迎歇還趙歇又立餘為代王三年韓信斬陳餘置

代郡領縣十八東魏孝靜帝又於此置北靈丘郡周宣帝

於今理置蔚州大業三年罷州置雁門郡武德四年平劉

武司重置蔚州

州境東西南北  
八到西南至上都二百里 南至東都一千六百三十里  
東北至媯州界北嶺關一百里從關至媯州一百五十里  
東南至易州山路三百六十里 東南至定州取轄轄山路四百九里  
東至恒州取方秦嶺路四百九里 西南至代州四百里

貢賦 問之貢 熊皮 豹尾 賦麻布  
管縣三 興唐 靈丘 飛狐  
卷十四 十

興唐縣

下

開元戶一千四百七十二

鄉四

本靈丘縣也開元十二年於州東北一百三十里橫野軍子城南置安邊縣屬蔚州天寶元年改為安邊郡仍自靈丘移州理於安邊城至德二年改為興唐郡仍改安邊縣為興唐縣

剡刺山在縣東七十里亦號雪山俗傳靈仙居所與五臺山略等

滙夷河亦曰欽獻河上槽狹下流濶有似欽獻因名大漚多生於山野及平大漚魏孝文所種以濟軍須後沃壤處皆長三尺葉廣於馬蘭但味少短耳

橫野軍置在州城內

靈丘縣

中下東北至州一百三十里

開元戶二千四百二十一

鄉五

本漢舊縣屬代郡後漢省東魏孝靜帝重置屬靈丘郡隋開皇三年罷郡縣屬蔚州大業二年省蔚州改屬代州隋末陷賊武德六年又置靈丘縣屬蔚州

太白山在縣南十里山有鍾乳穴其深不測仰望穴中乳如懸穗焉

石銘陞嶺在縣西北八十里上有石銘題言冀州北界故謂之石銘陞

隘門山亦曰隘口在縣東南十五里壁立直上層崖刺天



有古道極險陁後魏明元帝置義倉之所

漚夷水一名漚水出縣西北高是山周禮曰并州其川漚  
夷謂此也

茲水出縣西枝迴山懸河五丈湍激之聲響動山谷樵  
之士咸由此度巨木淹渚以乃方出或落崖石無不粉碎

開皇長城西自繁峙縣經縣北七十里東入飛狐縣界趙  
武靈王墓在縣東三十里

飛狐縣下西至州開元戶九百九十二 鄉三

本漢廣昌縣地屬代郡後漢屬中山國晉又屬代郡開皇  
三年改屬蔚州仁壽元年改為飛狐縣因縣北飛狐口為

名也隋末隋賊武德六年重置寄理今易州遂城縣界遙  
屬州貞觀五年移還今所

磨笄山在縣東北一百五十里趙廉子姊為代王夫人襄  
子既殺代王迎其姊夫人曰以弟慢天非仁也以夫怨弟  
非義也磨笄自刎百姓閔之為立祠

倒刺山在縣東北百二十里出佳大黃

飛狐道自縣北入媯州懷戎縣界即古飛狐口也郡食其  
說漢王曰杜白馬之津塞飛狐之口此言皆一方之陋也  
又劉琨自代出飛狐口奔於安次亦謂此道也

三河治舊置鑪鑄錢至德已後廢元和七年中書侍郎平

章事李吉甫奏臣訪聞飛狐縣三河冶銅山約數十里銅  
鑛至多夫飛狐錢坊二十五里兩處同用拒馬河水以水  
斛銷銅北方諸處鑄錢人工絕省所以平日三河冶置四  
十鑪鑄錢舊跡並存事堪覆實今但得錢本令本道應接  
人夫三年已來其事即立救河東困竭之弊成易定援接  
之形制置一成以長獲利詔從之其年六月起工至十月  
置五鑪鑄錢每歲鑄成一萬八千貫時朝廷新收易定河  
東道久用鐵錢人不堪弊至是俱受利焉

朔州馬邑

開元戶六千三十九  
元和戶七百二十九

鄉十三  
鄉十六

禹貢冀州之域虞及周為并州之地春秋時為北狄地戰

國時屬趙秦為雁門郡地在漢即雁門郡之馬邑縣也史  
記曰匈奴圍韓王信於馬邑信降匈奴按馬邑即今州理  
是也漢末大冢郡遂荒廢建安中曹公又立馬邑縣屬新  
興郡晉改屬雁門郡晉亂其地為猗盧所據劉琨表盧為  
大單于封代公徙馬邑後魏都代地屬畿內孝文遷洛之  
後又於定襄故城置朔州曹崇之亂州郡又廢高齊文宣  
帝入於馬邑城置朔州即今理是也武成帝置北道行臺  
周武帝置朔州總管開皇罷總管大業三年罷州為馬邑  
郡皇朝改為朔州

州境東西四百八十里  
南北九十七里

八列 西南至上都一千七百二十里  
東至蔚州三百八十里

南至東都一千三百五十里  
西南至嵐州三百七十四里

北至并州大都護三百五十里  
東北至雲州三百四十里

貢賦 開元貢白鵝鉅四具

### 管縣二 鄆陽 馬邑

鄆陽縣 中 鄆下 開元戶三千六百五十八 鄉十八

本漢馬邑縣屬雁門郡漢末荒廢建安中又置屬新興郡  
晉又屬雁門郡晉末又廢高齊於此置招遠縣屬郡不改  
開皇三年罷郡改屬朔州大業元年改為鄆陽縣  
勾注山在縣東八十里  
河水在縣西三百里

州城本漢馬邑城也昔秦人築城於武周塞以備胡城將  
成而崩者數矣有馬馳走周旋反覆父老異之因依而築  
城乃不崩遂名馬邑

馬邑縣 中 西至 開元戶二千三百八十 鄉五

本鄆陽縣地開元五年分鄆陽縣於州東三十里大同軍  
城內置馬邑縣建中年河中節度使馬燧權移州於馬邑  
縣焉

桑乾河在縣東三十里

雲州 雲中 開元戶三千一百六十九 鄉七

禹貢冀州之域虞及周屬并州春秋時為北狄地戰國時

其地屬趙其後武靈王自代至高闕為塞而置雲中雁門  
代郡今州即秦雁門郡地在漢雁門郡之平城縣也史記  
曰漢七年韓王信亡走匈奴上自將逐遂至平城為匈奴  
所圍用陳平秘計得出是也漢末大亂匈奴侵邊自定襄  
以西雲中雁門西河遂空曹公鵠集荒散又立平城縣屬  
新興郡晉又改屬雁門晉亂劉琨表封猗盧為代王都平  
城後魏道武帝入於此建都東至上谷軍都關西至河南  
至中山隘門塞北至五原地方千里以為匈奴服孝文帝改  
為司州北置代尹孝文帝都洛邑改置恒州孝昌之際亂  
離尤甚恒代之北盡為丘墟高齊文宣天保七年置恒安

鎮徙豪傑三千家以實之今名東州城其年廢鎮又置恒  
州周武平齊州郡並廢又於其所置恒安鎮屬朔州自周  
迄隋仍為鎮也隋亂陷賊武德四年平劉武周置北恒州  
七年廢貞觀十四年自朔州北界定襄城移雲州及定襄  
縣於此後為默啜所破移百姓於朔州開元十八年復置

雲州及雲中縣

州境東西一百七十七里  
南北四百九十里

八列 西南至上都一千九百六十里 南至東都一千五百九十里  
東至朔州七百里 東至清塞城一百二十里

又東至天城軍六十里 又東至納降守捉九十里與幽州界  
西至靜邊軍一百八十里 西南至太原府七百里

貢賦 貢 鵬翎五具



管縣一 雲中

雲中縣 中本漢平城縣屬雁門郡漢末大亂其地遂空魏武帝又立平城縣屬新興郡晉改屬雁門郡後魏於此建都屬代尹孝文改代尹為恒州縣屬不改隋為雲內縣屬馬邑郡貞觀十四年朔州北界定襄城移於此後為默啜所破移百姓至朔州開元十八年改置雲中縣屬雲州

白登山在縣東北三十里

火山在縣西五里山有火井深不見底以草投之則烟騰火發有火井祠

紇真山在縣東三十里虜語紇真漢言三十里其山夏積

雪霜

單于臺在縣西北四十餘里漢武帝元封元年勒兵十八萬騎出長城北登單于臺即此也

元和郡縣圖志卷第十五

河東道五

澤潞節度使

今為澤潞節度理所

潞州 上黨 開元戶六萬四千二百七十六 大都督府元和戶一萬七百八十 鄉百五十五

管州五 潞州 邢州 洺州 磁州 鄉百二十 本河北

道合隸澤潞 節度管五

縣三十七 都管戶三萬六千二百四十三

禹貢冀州之域殷時為黎國春秋時屬晉又兼有潞子之國潞子嬰兒為晉所滅戰國時屬韓別為都以其遠韓近

趙至趙孝成王時馮亭以上黨降趙復為趙地秦為上黨  
郡地後漢末董卓作亂移理壺關城即今州理是也周武  
帝建德七年於襄垣縣置潞州上黨郡屬焉開皇十年罷  
郡自襄垣縣復移潞州於壺關即今州是也州得名因潞  
子之國武德元年又於襄垣縣置韓州貞觀十七年廢開  
元七年以玄宗歷試嘗在以州置大都督府

州境東二百九十三里  
西二百三十六里  
南至上都一百三十里  
北至儀三台一百一十里  
東北至沁州四百五十里  
東取穴徑嶺路至相州三百五十里  
西至晉州三百九十里

東南至澤州一百八十七里  
西北至沁州一百一十里  
貢賦開元貢 人參 墨 賦 麻布

管縣十 上黨 長子 沁留 潞城 壺關 黎城

銅鞮 鄉縣 襄垣 涉縣

上黨縣郭下 開元戶一萬一千三百八十三 鄉二十二

本漢壺關縣也開皇中分壺關置上黨縣屬潞州釋名曰  
党所也在於山上其所最高故曰上党

鷄鳴山一曰火山在縣東南七十六里

濁漳水在縣西南二十二里

州城漢壺關縣也上党記曰曹公之圍壺關起土山於城

西北角穿地道於城西內築界城以遮之

五龍祠在縣東南二十里五龍山上慕容永所立以祭五

方神

馮守墓在縣西五里

長子縣崇東北至開元戶二萬二百六十六鄉

漢舊縣本春秋時地名左傳曰晉人執衛石買於長子是

也慕容永僭號于此稱西燕為慕容暉所滅開皇九年移

寄氏縣理此屬潞州十八年改寄氏為長子縣

發鳩山在縣西南六十五里濁漳水出焉

羊頭山在縣東五十六里後漢安帝時羌寇河東以任尚

為御史擊破於羊頭山謂此也

神農城後魏風土記曰神農城在羊頭山上山下有神農

泉即神農得嘉穀之所

武訖嶺在縣南四十五里風土記曰秦趙戰於長平趙軍

敗退秦將白起逐至此名曰武訖嶺

屯留縣上東南至開元戶八千一百六十六鄉十七

本晉邑春秋曰晉人執衛行人孫蒯於屯留是也漢以為

縣屬上党郡高齊省開皇中重置屬潞州

絳水出縣西南方山去縣八十四里

潞城縣上南至開元戶七千四百六十四鄉十六



本漢潞縣屬上黨郡即春秋時赤狄潞子嬰兒國也晉滅  
之後魏太武帝改潞縣為剡陵縣屬襄垣郡隋開皇十六  
年於此置潞城縣屬潞州

黃阜山在縣西北二十五里劉聰將慕容母劄敗晉將崔恕  
於黃阜

漳水一名潞水在縣北閼駟曰潞水在縣北為冀州浸即  
漳水也按王猛與慕容評相禦於潞川評鬻水與軍人絹  
疋水二石則此無他大川可以為浸所有唯漳水耳故士  
俗尚謂濁漳為潞水也

武王塲在縣西北四十里塲東有後魏天柱大將軍爾朱

榮碑文曰建義元年東討逆賊鎮豎葛榮軍次上黨武王  
祠東有二狡兔從賊方而來天柱彎弓祝之曰中則擒葛  
榮不中則否應弦而殪遂擒榮

壺關縣上府三十里西北至

本漢縣也屬上黨郡山形似壺故於此置關故名壺關開  
皇十六年分壺關置上黨縣大業二年省壺關併入上黨  
武德四年重置

羊腸坂在縣東南一百六里沾水出焉

漢壺關三老令狐茂墓在縣東北一十九里上書明度太  
子寃者

曹公壘在縣東南一百二里曹公攻高幹所築

黎城縣中西南至府古黎國春秋曰晉荀林父滅潞立

黎侯而還今縣十八里黎侯城是也漢為潞縣之地後魏

太武改潞縣為剡陵縣開皇十八年改剡陵為黎城縣武

德初屬韓州貞觀十七年廢韓州屬潞州古壺關在縣東

二十五里春秋齊國夏伐晉取八邑有五口孟口即壺口

也聲相近故有二名

清漳水在縣東北五十里

濁漳水在縣西北五十六里

馮奉世墓及馮昭儀墓在縣東二里

銅鞮縣上東至州本晉大夫羊舌赤邑時豨赤曰銅鞮

伯華漢以為縣屬上黨郡開皇十六年改屬沁州大業二

年省沁州復屬潞州武德六年屬韓州貞觀十七年廢韓

州復隸潞州

石梯山在州西三十里

關與城在縣西北二十里史記曰秦昭襄王攻趙關與趙

奢曰其險狹譬如兩鼠鬪於穴中將勇者勝遂破秦軍解

關與之圍

晉銅鞮宮在縣東十五里子產曰今銅鞮之宮數里斷梁

城在縣東北三十里下臨深壑東西北三面阻澗廣袤二

里

曹公壘在縣東南一百二里曹公攻高幹所築

黎城縣

中西南至府古黎國春秋曰晉荀林父滅潞立

黎侯而還今縣十八里黎侯城是也漢為潞縣之地後魏

太武改潞縣為剡陵縣開皇十八年改剡陵為黎城縣武

德初屬韓州貞觀十七年廢韓州屬潞州古壺關在縣東

二十五里春秋齊國夏伐晉取八邑有孟口孟口即壺口

也聲相近故有二名

清漳水在縣東北五十里

濁漳水在縣西北五十六里

馮奉世墓及馮昭儀墓在縣東二里

銅鞮縣

上東至州本晉大夫羊舌赤邑時號赤曰銅鞮

伯華漢以為縣屬上黨郡開皇十六年改屬沁州大業二

年省沁州復屬潞州武德六年屬韓州貞觀十七年廢韓

州復隸潞州

石梯山在州西三十里

關與城在縣西北二十里史記曰秦昭襄王攻趙關與趙

奢曰其險狹譬如兩鼠鬪於穴中將勇者勝遂破秦軍鮮

關與之圍

晉銅鞮宮在縣東十五里子產曰今銅鞮之宮數里斷梁

城在縣東北三十里下臨深壑東西北三面阻澗廣袤二

五

里俗謂之斷梁城

叔向墓在縣東十八里

鄉縣中東至府本漢涇氏地屬上黨郡晉始為武鄉縣一百七十里

屬柴平郡石氏分上黨置武鄉縣屬焉開皇初廢郡縣屬

潞州晉縣元有武字後草創失其舊名

禿頂山在縣西北九十三里

石臼嶺在縣北六十五里

蕨中水在縣西北八十里

襄垣縣上南至州本漢舊縣屬上黨郡趙襄子所築因

以為名魏莊帝改屬襄垣郡開皇十六年改襄垣城置韓

州縣屬焉貞觀十七年廢州縣屬潞州

鹿臺山在縣南二十里

涇水在縣西北六十里

濁漳水在縣南二十一里

天井關在縣東南四十里置在天井谷內深邃似井因以

為名魏武初遷鄴於此置關周建德六年廢

涉縣上南至州本漢舊縣屬魏郡因涉河水為名晉屬

廣平郡後省開皇十年於故涉城重置涉縣屬磁州十六

年改屬韓州貞觀十七年廢韓州縣屬潞州清漳水一名

涉河在縣南一里



澤州 高平 開元戶二萬二千二百三十五  
元和戶三千五百二十七

鄉五十九

禹貢冀州之域春秋時屬晉戰國時屬韓魏後屬趙秦使  
白起破趙於長平即今州北高平縣西北二十一里長  
平故城是也秦兼天下今州即上党郡地又為上党郡高  
都縣之地也後魏道武帝置建興郡孝莊帝改置建州周  
改建州為澤州蓋取獲澤為名也 獲局 怕反

州境 東西南北一百九十里  
東南西北一百五十里  
西南至上都一百四十里  
西至上都一百四十里  
北至太原府一百四十里  
北至絳州一百四十里  
西至絳州一百四十里  
東踰山至潞西一百一十里

八列  
西南至上都一百四十里  
西至上都一百四十里  
北至太原府一百四十里  
北至絳州一百四十里  
西至絳州一百四十里  
東踰山至潞西一百一十里

貢賦 開元貢 白石英五十斤 人參 賦 麻布  
元和貢 白石英 野鷄九十隻

晉縣六 晉城 高平 陵川 沁水

陽城 端氏

晉城縣 郭下 本漢高都縣屬上党郡開皇三年改屬澤州  
十八年改為丹川縣因縣東丹水為名貞觀三年改置城

縣

太行山在縣南四十里禹貢曰太行恒山至於碣石注曰

二山連延東地接碣石

丹水在縣北十二里司馬山俗傳秦坑趙眾流血丹川故

名丹水斯為不經也

天井故閼一名太行閼在縣南四十五里太行山上

高平縣州上南至本漢汝鵠音氏縣屬上黨郡在汝水之上

故以為名後漢改為玄氏屬建興郡高齊文宣帝省玄氏

縣自長平高城移高平縣理之仍改高平縣屬高都郡開

皇三年改屬澤州

頭顱山一名白起臺在縣西五里秦坑趙衆收頭顱築臺

米山在縣東十里趙將廉頗積糧此山因名

汝水在縣西北三十六里

長平故城在縣西二十一里白起破趙四十萬衆於此盡

殺之

長平閼在縣北五十一里

陵川縣中西至州一百四十里

本漢汝氏縣地開皇十六年於此置陵川縣因川為名屬

澤州

太行山在縣西南百里

沁水縣中東南至州二百里本漢端氏縣地後魏莊帝於此置秦

寧郡及東永安縣高齊省郡而縣存開皇十八年改為沁

水縣

沁水在縣東北五十二里

古王離城在縣東北五十里秦時王離擊趙所築四面絕

險

陽城縣中東至一百一十里

本漢獲澤縣屬河東郡因獲澤為名也改屬澤州天寶元年改為陽城縣

析城在縣西南七十五里

獲澤在縣西北十二里墨子曰舜漁於獲澤

端氏縣中南至本漢舊縣也史記曰趙成侯十六年與

韓魏分晉封晉君于端氏肅侯元年奪晉君端氏徙處屯

留漢以為縣屬河東郡晉屬平陽郡後魏屬安平郡開皇

三年罷郡屬澤州

石門山在縣西南四十一里

沁水在縣南一里

邢州鉅鹿開元戶五萬八千八百二十

元和戶二千六百九十三

禹貢冀州之域亦古邢侯之國邢侯為紂三公以忠諫被

誅周成王封周公旦子為邢侯後為狄所滅齊桓公遷邢

于夷儀按故邢國今州城內西南隅小城是也夷儀今龍

峒縣界夷儀城是也春秋時屬晉後三家分晉屬趙秦兼

天下於此置信都縣屬鉅鹿郡項羽改曰襄國蓋以趙襄

子謚名也趙歇為趙王張耳為常山王並理信都襄國今

州理龍峒城是也前趙嘉平元年石勒屯兵許昌張賓說

勒曰觀王彌有王青州之心遲迴未發者懼明公踵其後也明公獨無并州之思乎勒從之遂長驅之鄴攻晉北中即將于三臺張賓又進曰三臺險固攻守未卒下王彭祖劉越石大敵也宜及其未至密規進據守城掃定并薊桓文之業可濟也邯鄲襄國趙之舊都依山憑險形勝之國可擇此二邑而都之王業可圖也勒於是進據襄國王浚遣兵五萬人來討勒欲挑戰張賓諫曰夫用兵當以乙所便擊彼所不便今段末叔強捍且宜示之以弱鑿北壘為突門二十餘道伏精卒候賊列守未定出其不意雷鼓奮勇直衝帳帳卒既奔則彭祖可指辰而定也勒從其

計遂生擒末叔永嘉六年勒僭號遂定都焉至季龍徙都鄴為襄國郡石氏既滅罷之後魏復為襄國縣開皇三年以襄國縣屬洛州九年改為龍峒縣十六年割龍峒等三縣置邢州以邢國為名也大業三年改為襄國郡武德元年改為邢州置總管二年隋竇建德四年討平之又為劉黑闥所陷五年擒之依舊為邢州

州境東西二百八十二里

八列  
南一百三十六里  
西至三都一千九百里  
西南至東都八百四十里

東北至趙州一百九十里  
東至具州二百三十里  
西踰山至儀州二百三十五里  
東南至洛州一百二十里



貢賦 開元貢

文石師子

絲

布

綿

絹

管縣九

龍峒

堯山

鉅鹿

沙河

平鄉

南和

任縣

內丘

青山

龍峒縣 上 郭下

古邢國也秦以為信都項羽更名曰襄國漢因不改石勒借號據之勒未立前襄國有讖曰古在左月在右讓亡言或入口識者以為有襄國也周武帝改為襄國郡開皇三年罷郡縣屬洺州九年改為龍峒縣以西北有龍峒因名之十六年於此置邢州龍峒縣屬焉皇朝因之

土山二在縣東百五十步昔冉閔攻石祗於襄國為土山地道於此

石井峒一名龍峒在縣西北七里峒上有井大如車輪石勒時天旱沙門佛圖澄於此握得一死龍長尺餘漬之以水良久乃蘇兩遂大降因名龍峒

夷儀嶺在縣西百五十七里

夷儀故城在縣西四十里今俗謂之隨宜城蓋語訛也石勒墓在縣南十五里

堯山縣 上 州八十里 西南至 本曰栢人春秋時晉邑戰國時屬

趙秦滅趙屬鉅鹿郡漢書曰八年高祖從平城過趙相貫

高壁人柏人娶之置厠上曰柏人者迫於人也不宿去後  
魏改人為仁間皇三年罷鉅鹿郡屬趙州大業三年改屬  
邢州天寶元年改為堯山縣

汾水在縣西一里俗亦名曰脂溝

柏人故城在縣西北十二里

張耳臺在縣西北十二里

鉅鹿縣上西至州一百一十九里

本漢南樂

力玄反

縣地開皇六年於

此置鉅鹿縣屬趙州取漢鉅鹿縣之名也武德元年於此  
置趙州人立白起縣二年隋竇建德四年討平罷起州以  
縣屬趙州貞觀元年改屬邢州

大陸澤一名鉅鹿在縣西北五里禹貢曰恒衛既從大陸

既作按澤水西二十里南北三十里葭蘆菱蓮魚蟹之類

尤物其中澤畔又有醜泉煮而成鹽百姓資之

沙河縣上北至州三十五里本漢襄國縣地開皇九年改襄國為龍

峒縣十六年分龍峒於此置沙河縣以沙河在縣南五里

因以為名

黑山在縣西四十里出鐵

磬口山在縣西南九十八里漢魏時舊鐵官也

平鄉縣上西至州九十里本春秋時邢國後為趙地始皇滅趙

以為鉅鹿郡亦大稱也張耳與趙王歇走入鉅鹿城王離

園之即此地也後魏自平鄉故城移平鄉縣於此理之屬  
廣平郡開皇三年屬涑州十六年改屬邢州

濁漳水今俗名柳河在縣西南十里

落漢水在縣西南十八里

沙丘臺在縣東北二十里殷紂所築又李元圖靈玉於沙

丘宮探雀穀食之而死又始皇東巡迴死於沙丘

南和縣紫西南至本漢舊縣屬廣平國後漢屬鉅鹿郡

石趙屬襄國郡周屬南和郡開皇三年屬涑州十六年改

屬邢州

鴛鴦水經縣北五里

張賓墓在縣西十二里石勒軍師號曰右侯

任縣上西南至州本漢張縣地也在今縣西南渚陽城

是也後漢省趙於此置苑縣石氏滅廢開皇十六年於此

置任縣屬邢州大業三年省武德四年重置張城一名渚

陽城在縣西南二十七里漢張縣也石勒傳晉將王浚遣

石季龍盟就六春于渚陽謂此也

內丘縣上南至州古邢國地在漢為中丘縣屬常山郡

晉於此立中丘郡石趙改為趙安縣後魏孝文帝復立中

丘縣隋室諱忠改為內丘開皇三年屬趙州大業二年改

屬邢州

鵲山在縣西三十六里昔扁鵲將辨太子造此山採藥因

名

青山縣中東南至五十五里

本漢中丘縣地開皇十六年於此置青山縣屬邢州縣界有青山因名大業二年省縣屬龍騰府武德元年析龍岡內丘兩縣重置屬邢州黑山一名青山在縣西二十里幽深險絕為逋逃之藪以周太祖諱黑因改黑山為青山縣

取名焉

雷公山在縣西南八里漢末黑山羣盜張飛燕等不立君長直以名號為稱多稱者謂之叛公大稱者謂之雷公時

有雷公賦保此因以為名

洺州廣平

開元戶七萬七千一百二十一

鄉一百四十六

禹貢冀州之域春秋時赤狄之地後屬晉荀林父敗赤狄於曲梁按曲梁今州理地也七國時屬趙敬侯始都邯鄲至幽王遷為秦所滅秦兼天下是為邯鄲郡地漢帝分

置廣平國自漢至晉或為國或為郡永嘉末胡虜竊踞石

勒據有其地石氏滅又屬慕容雋至于暉滅又屬符堅後

慕容垂得山東其地復屬焉周武帝建德六年於郡置

洺州以水為名大業三年罷州為永安郡武德元年又改

為洺州兼置總管二年陷於竇建德四年討平又為建德



舊將劉黑闥所陷尋討平之六年罷總管復為洺州

州境東一百九十七里

八到西南至上都一百六十里

西北至邳州一百二十里

東北至貝州二百二十里

東南至魏州一百六十四里

貢賦 開元貢 綿 紬 縑 纈 續 管縣八 永年 鵝澤 洺水 肥鄉

清漳 曲周 臨洺 平恩

永年縣 郭下

本漢曲梁縣屬廣平國後漢屬鉅鹿郡高齊文宣帝省曲

梁置廣平縣開皇三年罷郡屬洺州仁壽元年改廣平為

永年避煬帝諱也

洺水在縣南三里

鵝澤在縣西南十里左傳諸侯同盟於鵝澤今具澤魚鱉

菱茨州境所資

廉頗臺在州城南十里十六國春秋冉閔遇慕容恪於廉臺

十戰皆敗 皇家平劉黑闥壘在縣西南十里洺水南貞

觀四年於壘東置昭福寺碑岑文本詞

鵝澤縣 上 十里 西南至州五

本漢廣平縣地開皇十六年於廣平城置鵝澤縣大業二

年省武德四年重置

洛漳二水在縣東南二十五里合流東入平鄉縣界

洛水縣上州五里西至本漢斥漳縣屬廣平國漳水經其城其

地斥故曰斥漳開皇六年以縣西近洛河改為洛水屬

洛州

衛漳故瀆俗名阿難渠在縣西二百步蓋魏將李阿難所

道子故名

黃塘坡在縣西北十五里晉龍驤將軍劉牢之救符丕追

慕容垂大軍於黃塘泉即此坡也

肥鄉縣上州四十九里西北至本春秋時晉地七國時屬趙今縣即

漢邯鄲縣地魏黃初二年分邯鄲等二縣立肥鄉屬廣平  
郡後魏省入臨漳開皇十年又置屬磁州十六年割屬洛

州

肥鄉故城在縣西二十二里

平原君墓在縣東南七里

清漳縣上州七十里西北至本漢列人縣地接到人縣故城在今

肥鄉界開皇十六年於此置清漳縣南濱漳水因以為名

屬洛州

曲州縣上州八十里西南至本漢舊縣屬廣平國鄴商為曲周侯

漢屬鉅鹿郡魏屬魏郡後魏宣武帝改置曲安縣屬廣平

郡高齊省開皇六年復置屬涇州大業二年省武德四年  
於曲周故城重置

漳水在縣西二十九里

阿難姑渠在縣南十四里

臨涇縣紫州東南至本漢陽縣地屬趙國後魏省入邯

鄆縣開皇十年移邯鄆縣理陟鄉城在今邯鄆縣界仍  
於此中府城別置臨涇縣北濱涇水因以為名屬礪州大

業三年割屬涇州

狗山在縣西十里山頂石上有狗跡因名武德五年太宗  
親總戎討劉黑闥於此立宮

平思縣上西至州本漢舊縣也屬魏郡宣帝以許廣漢  
為平思侯魏省尋復置開皇三年罷屬涇州

康臺澤在縣東五里

礪州滎陽上元和戶一千四十鄉一十三

本漢廣平郡武安縣之地周武帝於此置滎陽縣及成安  
郡開皇十年廢郡于縣置礪州以縣西九十里有礪山出  
礪石因取為名大業二年廢以縣屬相州 皇朝永泰元  
年重置以河東有礪州故此如石也

州境東西一百七里

八到西南至上都一千五百四十里

南至相州六十五里  
正北微東至潞州一百十里  
西至潞州三百四十里

貢賦 開元貢 紗 絹 綿

管縣四 滏陽 邯鄲 昭義 武安

滏陽縣 望郭下

本漢武安縣之地魏黃初三年分武安立臨水縣屬廣平  
郡以城臨滏水故曰臨水以城在滏水之陽亦曰滏陽周  
武帝於此別置滏陽縣屬成安郡開皇三年廢郡縣屬相  
州十年於此置磁州滏陽屬焉大業二年廢磁州縣屬相  
州永泰元年重立德州縣又割屬

鼓山亦名滏山在縣西北四十五里滏水出焉泉源奮涌  
若滏水之湯故以滏口名之八陁第四曰滏口陁山嶺  
高深實為險阨

石季龍墓在縣西南十四里  
佛圖澄墓在縣西南十七里

高齊神武陵在縣南三里

邯鄲縣 上南至州七十里

本衝地也後屬晉七國時為趙都趙敬侯立自晉陽始都  
邯鄲至幽王遷降秦遂滅趙以為邯鄲郡邯山名也單盡  
也城郭徙邑故單字加邑魏以為縣屬廣平郡開皇十年



置磁州邯鄲縣屬焉大業二年廢磁州縣屬洺州永泰年  
重立磁州縣遂割屬

邯山在縣東南五里

叢墓在縣城內東北隅

洪波臺在縣西北五里

趙簡子墓在縣西南十二里

公孫杵臼程嬰墓在縣西十五里

趙奢墓在西北七里

樂毅墓在縣西南十八里

簡相如墓在縣西南二十三里

昭義縣上東向至魏黃初三年於今潞陽縣置臨水縣

北齊天保元年移理松釜周建武德六年廢永泰元年再

置仍改名昭義

武安縣上東南至本七國時趙地趙將李牧封武安君

即今縣也漢屬魏郡魏屬廣平郡開皇三年屬相州十年

割屬磁州大業二年磁州廢割屬洺州後置磁州又分隸

焉

開與山在縣西南五十里趙奢拒秦軍關與即此山也洺

水西北去縣八十三里

武安故城在縣西南五里六國時趙邑也趙奢之救關與

置磁州邯鄲縣屬焉大業二年廢磁州縣屬洺州永泰年  
重立磁州縣還割屬

邯山在縣東南五里

叢臺在縣城內東北隅

洪波臺在縣西北五里

趙簡子墓在縣西南十二里

公孫杵臼程嬰墓在縣西十五里

趙奢墓在西北七里

樂毅墓在縣西南十八里

藺相如墓在縣西南二十三里

昭義縣州上東南至魏黃初三年於今滏陽縣置臨水縣

北齊天保元年移理松釜周建武德六年廢永泰元年再

置仍改名昭義

武安縣州上東南至本七國時趙地趙將李牧封武安君

即今縣也漢屬魏郡魏屬廣平郡開皇三年屬相州十年

割屬磁州大業二年磁州廢割屬洺州後置磁州又分隸

焉

開與山在縣西南五十里趙奢拒秦軍開與即此山也洺

水西北去縣八十三里

武安故城在縣西南五里六國時趙邑也趙奢之救開與

周建武  
德六年

元和郡縣志

秦軍鼓譟武安屋瓦皆動即此城也

元和郡縣志卷第十五

